

四庫全書

史部

欽定四庫全書

史部

文獻通考卷八十二

詳校官內閣學士臣尹壯圖

編修臣程嘉謨覆勘

覆校官中書臣施光輅

校對官庶吉士臣陳墉

謄錄監生臣徐錫福

欽定四庫全書

文獻通考卷八十三

鄒陽馬端臨

貴與著

郊社考十五

社稷

王為羣姓立社曰太社王自為立社曰王社諸侯為百
姓立社曰國社諸侯自為立社曰侯社大夫以下成羣
立社曰置社

為于偽反羣衆也大夫以下謂下至庶人也大夫不得特立社與民族居百家以

上則共立一社今時里社是也郊特牲曰唯為社事單
出里疏曰王為羣姓立社曰太社者羣姓謂百官以
下及兆民言羣姓者包百姓也太社在庫門內之右故
小宗伯云右社稷王自為立社曰王社者其王社所在
書傳無文或曰與太社同處王社在太社之西崔氏云
王社在籍田王自所祭以供粢盛今從其說故詩頌云
春籍田而祈社稷是也其諸侯國社亦在公宮之右侯
社在籍田大夫以下成羣立社曰置社者大夫以下謂
包士庶成羣聚而居其羣衆滿百家以上得立社為衆
特置故曰置社大夫至庶人等共在一處也大夫北面
之臣不得自專土地故不得特立社社以為民故與民
居百家以上則可以立社知百家者詩頌云百室盈止
殺時犇牡故曰百家言以上皆不限多少祭法白
虎通曰王者所以有社稷者為天下求福報功人非土
不立非穀不食土地廣博不可徧敬也五穀衆多不可
一一而祭也故封土立社示有土尊稷五穀之長故封

稷而祭之也王者自親祭社稷何社者土地之神也土生萬物天下之所主也尊重之故自祭也其壇大如何春秋文義曰天子之社稷廣五丈諸侯半之其色如何春秋傳曰天子有太社焉東方青色南方赤色西方白色北方黑色上冒以黃土故將封東方諸侯青土苴以白茅謹敬潔清也

諸侯祭社稷

王制

禮運

小宗伯掌建國之神位右社稷左宗廟

庫門內左雉

右疏曰言右社稷左宗廟者按匠人亦云左祖右社彼掌其營作此掌其成事位次耳地道尊右故社稷在右是尚尊尊之義此據外神在國中者社稷為尊故鄭注郊特牲云國中神莫大於社祭義注周尚左者據內神而言若據衣服尊卑先王衮冕先公鷩冕亦貴於社稷故云周尚左各有所對故注不同也又曰鄭知庫門內雉門外者後鄭義以雉門為中門故知雉門外庫門內之左右也

春官

白虎通曰社稷在中門之外外

門之內何尊而親之與先祖同也
不置中門內何敬之示不褻瀆也

匠人營國左祖右

社

王宮所居也祖宗廟

疏曰左右前後

冬官

封人掌設

王之社壇

壇維癸反

疏謂壇及壇埵也
疏曰云掌設王之社壇者謂王

之三社三稷之壇及壇外四邊之壇皆設置之直言壇
不言壇舉外以見內內有壇可知也又曰壇謂壇及壇
埵也者埵埵即壇經不言壇故鄭兼見之也按孝經緯
埵是五土總神稷是原隰之神原隰則是五土之一耳
故云稷社之細舉社則稷從之矣故言社不
言稷也云社謂后土者舉配食者而言耳
凡封國設

其社稷之壇

封國建諸侯立其國之封
疏云設其社稷之壇者按禹貢徐州貢五色土孔注云

王者封五色土為社建諸侯則各割其方色土與之使
立社幃以黃土直以白茅茅取其潔黃取王者覆四方

是封諸侯立社稷之法也令社稷之職將祭之時令諸有職事於社稷者也郊特牲曰唯為社事

單出里唯為社田國人畢作唯為社邛乘共粢盛所以報本反始也為于偽反單音丹乘繩證反共音恭

疏曰春秋祭社皆有職事令之者使其各依職司而行故湏令之也地官小司徒凡建

邦國立其社稷疏曰言邦國者謂立畿外諸侯邦國立其社稷者諸侯亦有三社三稷謂國社

侯社勝國之社皆有稷配之同上內宰凡建國佐后立市祭之以陰

禮市朝者君所以建國也建國者必面朝后市王立朝而后立市陰陽相成之義鄭司農云佐后立市者始

立市后立之也祭之以陰禮者市中之社先后所立社也陰禮婦人之祭禮朝直遥反疏曰王者建國非

定一所隨世而遷謂若自契至湯八遷太王遷岐文王遷豐武王遷鎬成王營洛皆是建國故云凡以該之云

建國者必面朝後市乃冬官匠人文云王立朝者即三朝皆王立之也而后立市者即此文是也祭之以陰禮者市乃先后所立故以陰禮為市之社亦先后所立社也 天官

黃氏曰社祭土稷祭穀郊丘祭天地天子之禮也土穀之祭達乎上下故方丘與社皆地祭也而宗伯序祭有社無示舉社則其禮達乎上下舉示則天子獨用之鼓人職曰以鼗鼓鼓神祀以靈鼓鼓社祭不曰示祭而曰社祭亦見其禮之達乎上下也大司樂鼗鼓鼗鼓以祀天神靈鼓靈鼓以祭地

示是則示祭社祭其用同矣非天子不祭天而天子與庶人皆得祭社尊父親母之義也

陳氏禮書曰社所以祭五土之示稷所以祭五穀之神五穀之神而命之稷以其首種先成而長百穀故也稷非土無以生土非稷無以見生生之效故祭社必及稷以其同功均利而養人故也祭法王社侯社無預農事故不置稷大社國社則農之祈報在焉故皆有稷先儒謂王社或建於大社之

西或建於籍田然國語王籍則司空除壇農正陳籍禮而歷代所祭先農而已不聞祭社也故詩曰春籍田而祈社稷非謂社稷建於籍田也其言王社建於大社之西於國社亡國社與天子同其祭用少牢與天子異先儒謂天子社廣五丈諸侯半之天子社五色冒以黃而諸侯受土各以其方之色亦冒以黃其言雖不經見然五土數黃正色則天子社廣五丈冒以黃信矣諸侯之禮常半天子

天子六軍諸侯三軍天子六卿諸侯三卿天子六
宮諸侯三宮天子辟雍諸侯泮宮天子之馬十二
閑諸侯之馬六閑則社半五丈信矣禹貢徐州貢
土五色以為社則大社五色諸侯受土各以其方
之色信矣 又曰大夫以下其社之大者則二千
五百家為之周禮所謂州社是也其小則二十五
家亦為之左傳所謂書社千社是也左傳昭二十
五年齊侯致千社於魯哀十五年齊人與衛地自

濟以西禋媚杏以南書社五百杜氏注二十五家
為一社鄭氏謂百家以上共立一社若今時里社
此以漢制明古也左傳有清邱之社月令仲秋命
民社先儒以為自秦以下民始得立社然禮言大
夫以下則民社不始於秦

州長若以歲時祭祀州社則屬其民而讀法

屬音燭疏曰此云

歲時謂歲之二時春秋耳春祭社以祈膏雨望五穀豐熟秋祭社者以百穀豐稔所以報功故云祭祀州社也
凡讀法皆因節會以聚民
今既祭因聚民而讀法
凡州之大祭祀蒞其事
大祭祀謂

州社稷也。臨也。疏曰：言大祭祀謂州社稷者，以上文云歲時祭祀州社，此經又因言州之大祭祀，故知還是上文州社也。知有稷者，以其天子諸侯三社皆稷對之。黨祭，崇族祭，酺，故此特言州社也。地官閭胥凡春秋之祭祀，既比則讀法，注曰：祭

仲春擇元日命民

社。郊特牲疏曰：社祭一歲有三仲春，命民社一也。詩云：以社以方，謂秋祭二也。孟冬大割祠于公社三也。

右天子諸侯大夫之制

州社民社附

大司徒設其社稷之壇而樹之田主，各以其野之所宜

木，遂以名其社與其野。

社稷，后土及田正之神。壇，壇與

所依也。詩人謂之田祖，所宜木謂若松栢栗也。若以松為社者，則名松社之野以別方面。疏曰：謂於中門之

外右邊設大社大稷王社王稷又於廟門之屏設勝國之社稷其社稷外皆有壇埒於四面也句龍生時為后土官有功於土死配社而食棄為堯時稷官立稼穡之事有功於民死乃配稷而食名為田正也故云社稷后土及田正之神雙言之耳云田主田神謂郊特牲云先嗇與神農一也以神農為主祭尊可以及卑故使后土田正二神憑依之同壇共位耳田正則郊特牲所云司嗇一也又引詩人謂之田祖者詩云以御田祖毛云田祖先穡籥章亦云凡國祈年於田祖鄭云田祖始耕田者謂神農也地官

哀公問社於

宰我宰我对曰夏后氏以松殷人以栢周人以栗

朱子曰宰

我孔子弟子名予三代之社不同者古者立社各樹其土之所宜木以為主也八旬問古者各樹其所宜木以為社不知以木造主還便以樹為主朱子曰看古人意思只以樹為社主使神依焉如今人說神樹之類

白虎通曰社稷所以有樹何尊而識之使民人望見敬之又所以表功也尚書無逸篇曰大社唯松東社唯栢南社唯梓西社唯栗北社唯槐陳氏曰後世宋有櫟社豐有枌榆社先儒謂諸侯社皆立樹以為主以象其神大夫以下但各以地之所宜木立之於義或然

小宗伯立軍社

王出軍必有事於社

及遷廟而以其主行社主曰軍社遷主曰祖春秋傳曰軍行被社鼙鼓祝奉以從書曰用命賞于祖不用命戮于社社之主蓋用石為之疏曰按許慎云今山陽俗祠有石主社既以土為壇石是土之類故鄭云社主蓋以石為之無正文故云蓋以疑之也

陳氏禮書曰鄭氏注社之主蓋用石為之唐神龍

中議立社主韋叔夏等引呂氏春秋及鄭元義以

為社主用石又後魏太平中大社石主遷於社宮
是社主用石矣又檢舊社主長二尺五寸方一尺
七寸在禮無文按韓詩外傳云天子大社方五丈
諸侯半之蓋以五是土數故壇方五丈其社主長
五尺方二尺剡其上以象物生方其下以體地體
埋其半以根在土中而本末均也過尺二寸其短
以寸計之唐之時舊主二尺五寸方一尺七寸蓋
有所傳然也而議者謂宜長五尺方二尺埋其半

於土中此臆論也古者天子諸侯有載社之禮而
陳侯嘗擁社以見鄭子展襄二十二年左傳果埋
其半則不可迎而載果石長五尺方二尺則不可
取而擁

右社主社木

天子祭社稷皆太牢諸侯祭社稷皆少牢

王制按書曰乃社于新

邑羊一牛一豕一是天子用太牢也

郊特牲而社稷太牢

郊特牲

陰祀

用黝牲毛之

陰祀祭地北郊及社稷也黝讀為幽黑也毛之取純毛也地官牧人

以

血祭祭社稷

陰祀自血起貴氣臭也社稷土穀之神有德者配食焉疏曰此地之次祀先薦血

以歆神且社稷亦土神故舉社以表地示鼓人亦云靈

鼓鼓社祭亦舉社以表地此其類也云陰祀自血起者

對天為陽祀自煙起貴氣

次祀用牲幣

元謂次祀又

官肆

鬯人掌共秬鬯而飾之

秬鬯不和鬱者飾之謂設巾疏曰云此直共

秬黍之酒無鬱也鄭知飾之謂設巾者按鬯人云以疏布巾鬯八尊畫布巾鬯六尊明秬鬯之酒尊亦設巾可

知衆人疏曰舉天地則四望山川社稷林澤皆用疏布皆是尚質之義也

凡祭祀社壝用

大壘

壝唯癸反欲鬼反壘音雷壝謂委土為壇壝所以祭也大壘瓦壘壇音善疏曰四邊委土為

壝於中除地為壇壝內作壇謂若三壇同壇之類也此經云社壝謂若封人及大司徒皆云社壝皆直據外壝

而言也 春官
餘見祭器條

三獻文 謂祭社稷五祀其神稍尊比
羣小祀禮儀為文飾也 疏

曰希冕三章祭社稷五祀故知 三獻燭 燭似廉反 三
獻祭社稷五祀也 禮器

燭沈肉於湯 王祭社稷則希冕 書曰希繡希讀為絺
也 同上 或作黼字之誤也 希

刺粉米無畫也其衣一章裳二章凡三也黼展几反又
張里反 疏曰希刺粉米無畫也者衣是陽應畫今希
冕三章在裳者自然刺繡但粉米不可畫今雖在衣亦
刺之不變故得希名故鄭特言粉米也 春官司服

大司樂乃奏太簇歌應鍾舞咸池以祭地而祭於北

郊及社稷 鼓人以靈鼓鼓社祭 靈鼓六面鼓也社祭
春官 祭地祇也 疏曰郊

特牲社祭土神地之道故舉社以表地祇大司伯亦云
血祭祭社稷五祀亦舉社以表地祇其實地之大小之

祭皆用靈鼓地官

舞師教帔舞帥而舞社稷之祭祀

帔音拂 繒有柄

疏曰帔舞用五色詳見祭物樂舞

載芟春籍田而祈社稷也

良耜

秋報社稷也

豐年秋冬報也

右祭社稷禮物樂舞

肆師社之日涖卜來歲之

稼

社祭土為取財焉卜者問後歲稼所宜此社亦是秋祭社之日也言涖卜來歲之稼者

疏曰

祭社有二時謂春祈秋報報者報其成熟之功今卜者來歲亦如今年宜稼亦不但春稼秋穡不言

穡而言稼者秋穡由於春稼故據稼而言之郊特牲云社祭土而主陰氣也取財於地取法於天故

財焉春官

厲山氏之有天下也其子曰農能殖百穀夏之哀也周棄繼之故祀以為稷共工氏之霸九州也其子曰后土

能平九州故祀以為社

厲力世反左傳作烈山共音恭厲山氏炎帝也起由厲山或

曰有烈山氏棄后稷名也共工氏無錄而王謂之霸在太皞炎帝之間疏曰其子曰農能殖百穀者農謂厲

山氏後世子孫名柱能殖百穀故國語云神農之名柱作農官因名農是也夏之哀也周棄繼之者以夏末湯遭大旱七年欲變置社稷故廢農祀棄以配稷之神其子曰后土能平九州故祀以為社者是共工後世子孫為后土之官后君也為君而掌土能治九州五土之神故祀以為配社之神祭法

蔡墨曰共

工氏有子曰句龍為后土

共工在太皞後神農前以水名官其子句龍能平水土故

死而見祀

疏曰言工共有子謂後世

子耳亦不知句龍之為后土在於何代

后土為社

疏曰句龍

既為后土入亦配社

稷田正也

掌播殖也

疏曰周語云宣王不籍千畝號文

公諫曰民之大事在農是故稷為大官然則百穀稷為其長遂以稷名為農官之長正長也稷是田官之長

有烈山氏之子曰柱為稷

烈山氏神農世諸侯

疏曰

有天下也其子能殖百穀故祀以為稷言有天下則是天子矣杜注不得為諸侯也賈逵鄭元皆云烈山炎帝

之號杜言神農世諸侯者按帝王世紀神農本起烈山然則初封烈山為諸侯後為天子猶帝堯初為唐侯然

也此及魯語皆云其子曰柱祭法云其子曰農自夏以者劉炫云蓋柱是名其官曰農猶呼周棄為稷

上祀之

祀柱上時掌反

周棄亦為稷

棄周之始祖能播百穀湯既勝夏廢柱而以棄

代之疏曰棄為周之始祖能播殖百穀經傳備有其事以其後世有天下號國曰周故以周冠棄棄時未稱

也周自商以來祀之

左氏傳言蔡墨之博物昭公二十九年

儒所解不同鄭康成之說以社為五土總神稷為原隰之神句龍以有平水土之功配社祀之稷有播種之功配稷祀之鄭必為此說者按郊特牲云社祭土而主陰氣又云社所以神地之道又禮運云命降於社之謂穀地又王制云祭天地社稷為越紼而行事據此諸文故知社即地神稷是社之細別名曰稷稷乃原隰所生故以稷為原隰之神若賈逵馬融王肅之徒以社稷句龍稷祭后稷皆人鬼也非地神故聖證論王肅難鄭云禮運云祀帝於郊所以定天位祀社於國所以列地利社若是地應云定地位而言列地利故知社非地也為鄭學者馬昭之等通之云天體無形故須云定位地體有形不須云定位故唯云列地利肅又難鄭云祭天牛角

繭栗而用特牲祭社牛角尺而用太牢又祭天地大裘
而冕祭社稷絺冕又唯天子令庶民祭社社若是地神
豈庶民得祭地乎為鄭學者通之云以天神至尊而簡
質事之故牛角繭栗而用特牲服大裘天地至尊天子
至貴天子祭社是地之別體有功於人報其載養之功
故用太牢貶降於天故角尺也祭用絺冕取其陰類庶
人蒙其社功故亦祭之非是方澤之地也肅又難鄭云
名詁用牲于郊牛二明后稷配天故知二牲也又云社
于新邑牛一羊一豕一明知唯祭句龍更無配祭之人
為鄭學者通之云是后稷與天尊卑既別不敢同天牲
句龍是上公之神社是地祇之別尊卑不甚縣絕故云
配同牲也肅又難鄭云后稷配天孝經有配天明文后
稷不稱天也祭法及昭二十九年傳云句龍能平水土
故祀以為社不云祀以配社明知社即句龍也為鄭學
者通之云后稷非能與天同功唯尊祖配之故云不得
稱天句龍與社同功故得云祀以為社而得稱社也肅

又難云春秋說伐鼓于社責上公不云責地祇明社是上公也又月令命民社鄭注云社后土也孝經注云后稷土也句龍為后土鄭既云社后土則句龍也是鄭自相違戾為鄭學者通之云伐鼓責上公者以日食臣侵君之象故以責上公言之句龍為后土之官其地神亦名后土故左傳云君戴皇天而履后土地稱后土與句龍稱后土名同而實異也鄭注云后土者謂地神也非謂句龍故中庸云郊社之禮注云社祭地也又鼓人云以靈鼓鼓社祭注云社祭祭地祇也是社為地祇也朱子曰或說稷是邱陵原隰之神或云穀神看來穀神較是社是土神又問曰社如何有神曰能生物便是神也楊氏曰王鄭之學互有得失若鄭云句龍有平水土之功配社祀之后稷有播種之功配稷祀之則鄭說為長

右社稷配祭

喪祝掌勝國邑之社稷之祝號以祭祀禱祠焉

勝國邑所誅討

者社稷者若亳社是矣存之者重神也蓋奄其上而棧其下為北牖疏曰以祭祀禱祠者祭祀謂春秋正祭

禱祠謂國有故祈請求福曰禱得福報賽曰祠云勝國邑所誅討者據武王伐紂取其社稷而事之故云若亳

社是也據其地則曰亳據彼國喪亡即為亡國之社稷此注勝之即為勝國之社稷是以郊特牲云喪國之社

春秋謂之亳社也君自無道被誅社稷無罪故存之是重神也公羊曰捨其上即屋之也棧其下者非直不受

天陽亦不通地陰春官士師若祭勝國之社稷則為之尸

以刑官為

尸略之也周謂亡殷之社為亳社疏曰按鳧鷖詩宗廟社稷七祀皆稱公尸不使刑官今祭勝國之社稷士

師為尸故鄭云用刑官為尸略之也秋官

右勝國社稷

傳社祭土而主陰氣也

疏曰土謂五土山林川澤邱陵墳衍原隰以時祭之故云

社祭土土是陰氣之主故云而主陰氣也

君南鄉於北墉下答陰之義也

墉謂之墉社內北墉

疏曰墉墉也社既主陰陰宜在北故祭社時以社在南設主壇上北面而君來在

北墉下而南鄉祭之是對陰之義也

日用甲用日之始也

國中之神莫貴於社疏

曰社是國中之貴神甲是旬日之初始故用之也月令疏曰名諸戊午乃社于新邑用戊者周公告營

洛邑位成非常祭也

天子大社必受霜露風雨以達天地之氣

也

大音泰屋義也達通也

風雨至則萬物生霜露降則萬物

成故不為屋以受霜露風雨

是故喪國之社屋之不受天陽也薄

社北牖使陰明也

喪息浪反薄社殷之社殷始都薄薄又作毫

步各反疏曰周立殷社以為戒天是生法以其無生義故屋隔之令不受天之陽也白虎通云王者諸侯必有戒社者何示有存亡也明為善者得之為惡者失之周立殷社為戒而屋之塞其三面唯開北牖示絕陽而通陰陰明則物死也社所以神地之道也地載萬物天垂

象取財於地取法於天是以尊天而親地也故教民

美報焉家主中雷而國主社示本也

中雷亦土神也疏曰言立社

之祭是神明於地之道故也地載萬物者釋地所得神之由也天垂象者地有其物天上皆垂其象所謂

在天成象在地成形也取財於地者財並在地出為人所取也取法於天者人知四時早晚皆放日月星辰以為耕作之候是取法於天所取法者故尊而祭之天子祭天是也所取財者故親而祭之一切親地而共祭社是也故教民美報焉者此結祀社也地既為民所親故與庶民祭之以教民美報故也中雷謂土神卿大夫之家主祭土神於中雷示本也者以土神生財以養官之與民故皆主祭土神蓋所以示其生養之本也

唯為社事單出里唯為社田國人畢作唯社

邱乘共粢盛所以報本反始也

為於偽反乘時證反又徒偏反共音恭粢

音資單出里皆往祭社於都鄙二十五家為里畢作人則盡行非徒羨也邱十六井也四邱六十四井曰甸或謂之乘乘者以於車賦出長轂一乘甸徒練反又繩證反疏曰社事祭社事也單盡也里居

也社既為國之本故若祭社則合里之家並盡出故云單出里也此惟每家出一人不人人出也田獵也畢盡也作行也既人人得社福故若祭社先為社獵則國中之人皆盡行無得住家也唯社邱乘共粢盛者嚮說祭社用牲此明祭社用米也邱乘者都鄙井田也九夫為井四井為邑四邑為邱四邱為乘唯祭社而使邱乘共粢盛也粢稷也稷曰明粢在器曰盛庾蔚曰粢盛所須者少故邱乘共之也皇氏曰若天子諸侯祭社則用籍田之穀大夫以下無籍田若祭社則邱乘之民共之示民出力也單出里皆往祭社於都鄙者按周禮都鄙公卿大夫采地公卿大夫祭社其里之人皆往就祭此據采地言之故云往祭社於都鄙必知據采地者以經云唯社邱乘邱乘是采地井田之制故舉采地言焉所以報本反始也者結美報也

社天子之祭也

春田祭社明堂位

命降於社之

謂殽地

殽戶教反 謂教令由社下者也 社土地之主也 周禮土會之法有五地之物生 疏曰

殽效也 命者政令之命 降下於社 謂從社而來以降民也 社即地也 指其神 謂之社 指其形 謂之地 法社

以下教令故云之 謂殽地 有五土生物 不同人君法地亦養物不一也 禮運 祀社於

國所以列地利也

疏曰地出財故云列地利也亦即 是命降於社之謂殽地也 同上

以我齊明與我犧羊以社以方

朱子曰齊音咨賦 也齊與粢同曲禮

曰稷曰明粢此言齊明便文以協韻耳 犧羊純色之羊也 社后土也 以句龍氏配方秋祭四方報成萬物

周禮所謂羅弊獻禽以祀祊是也 小雅甫田 大雅雲漢方社不莫朱子注曰方祭四方社祭土神也

起大事動大衆必先有事乎社而後出謂之宜事

祭也周官所謂宜乎社爾雅左傳師師者受服

於社及君以軍行祓社周禮大祝太師宜於社

肆師凡師甸用牲於社宗則為位大司馬若師有

功愷樂獻於社並見內祭篇甸條小宗伯凡天地

之大裁類宗廟社稷則為位見祈禳條月令大割

祠于公社見百神篇禘條大雅縣詩迺立冢土戎

醜攸行朱子注曰冢土大社也亦大王所立而後因

以為天子之制也戎醜大衆也起大事動大衆必先

有事乎社而後出謂之宜

孟子曰民為貴社稷次之

朱子曰社土神稷穀

神建國則立壇壝以祀之

云云犧牲既成粢盛既潔祭祀以時然

而旱乾水溢則變置社稷

盛音成土穀之神祭祀不失禮而

捍患則毀其壇壝而更置之亦年不順成八蜡不通

之意是社稷雖重於君而輕於民也盡心下大

傳曰重社稷
故愛百姓

鄭子產伐陳入之陳侯免擁社以待

於朝

免喪服擁社抱社主示服也擁芳勇反

襄公二十五年

左氏傳免音問喪冠

莊

公如齊觀社

莊公二十三年齊因祀社蒐軍實以示客公往觀之

曹劌諫曰夫

齊棄太公之法而觀民於社

太公齊始祖太公望也

君為是舉

也舉動

而往觀之非故業也何以訓民土發而社助時

也

土發春分也周語曰土乃脉發社者助時祈福為農始也

今齊社而往觀旅非

先王之訓也

旅衆也

天子祀上帝

上帝上天也

諸侯會之受

命焉

助祭受政命也

諸侯祀先王先公

先王謂若宋祖帝乙鄭祖厲王之屬也先

公先君也

卿大夫佐之受事焉

事職事也

臣不聞諸侯之相會

祀也祀又不法

不法為觀民國語魯語

哀公四年六月辛丑

亳社災穀梁子曰亳社者亳之社也亳亡國也

亳即殷也

殷都於亳故國謂之亳社

亡國之社以為廟屏戒也

立亳之社於廟之外以為

屏蔽取其不得通天人君瞻之而致戒心

其屋亡國之社不得達上也

必為

之作屋不使上通天也緣有屋故言災

公羊子曰蒲社災蒲社者何亡

國之社也

疏曰蒲社者先世之亡國在魯境者公羊解以為蒲者古國之名天子滅之以封伯

禽取其社以戒諸侯使事上今災之者若曰王教絕云爾左氏穀梁以為亳社者武王滅殷遂取其社賜

諸侯以為社者封也

封土為社

其言災何

據封土非火所能燒

亡國

之社蓋揜之揜其上而柴其下

故火得燒之揜柴之者絕不得使通天地

四方以為蒲社災何以書記災也

戒社者先王所以威示教戒諸侯使

事上也是後宋事彊吳齊晉前驅滕薛夾穀魯衛驂乘故天去戒社若曰王教滅絕云爾疏曰春秋說

文謂十三年黃池之會時也

胡氏曰古者祭地於社猶祀天於郊也故泰誓曰

郊社不修而周公祀于新邑亦先用二牛於郊後

用太牢於社也記曰天子將出類於上帝宜於社

又曰郊所以明天道社所以神地道周禮以禋祀
祀昊天上帝以血祭祭社稷而別無地示之位四
圭有邸舞雲門以祀天神兩圭有邸舞咸池以祀
地而別無祭社之說則以郊對社可知矣後世既
立社又立北郊失之矣

楊氏曰愚按禮經天子祭天地諸侯祭社稷祭莫
重於天地而社稷其次也胡氏乃合祭地祭社二
者而一之何也曰社者五土之神是亦祭地也而

有廣狹之不同曰里社則所祭者一里之地而已
曰州社則所祭者一州之地而已諸侯有一國其
社曰侯社則所祭者一國之地一國之外不及也
天子有天下其社曰王社則所祭者天下之地極
其地之所至無界限也故以祭社為祭地惟天子
可以言之凡胡氏所引皆天子社也但云後世既
立社又立北郊失之矣此皆未然有正祭有告祭
冬至祭天於南郊順陽時因陽位夏至祭地於北

郊順陰時因陰位以類求類故求諸天而天神降
求諸地而地示出所謂正祭也匠人營國左祖右
社以社與祖對尊而親之若因事而告地則祭地
亦可矣記曰天子將出類於上帝宜於社之類是
也說者曰類者依郊祀正禮而為之也宜者有事
乎社求福佑也此所謂告祭也知祭各有義不可
以一說拘則知聖人制禮精微之意矣

漢高祖初起禱豐枌榆社

鄭氏曰枌榆鄉名師古曰以此樹為神因立名蓋高祖里

社也

二年東擊項籍還入關因命縣為公社

猶官社

立靈星祠

以后稷配

見祭星門

四年天下已定詔御史令豐治枌榆社常以時春以羊

彘祠之梁巫祠天社秦巫祠社主

即五社主也

十年令縣常以春二月及臘祠稷以羊彘民里社各自

裁以祠

謂隨其時具之豐儉也

漢舊儀官大社及大稷一歲各再祠大祝令常以二

月八月以一太牢使者監祠南向立不拜

天下祠社稷社者古司空主平水土共工氏之子句龍氏能平水土植百穀祭於社以報其功稷者司馬官長助后稷耕種祭於稷以報其功祠社稷各官長諸侯丞相中二千石二千石以下令長侍祠

平帝時大司馬王莽上書帝王建立社稷百王不易社者土也宗廟王者所居稷者百穀之主所以奉宗廟共粢盛人所食以生活也王者莫不尊重親祭自為主

禮如宗廟詩曰乃立冢土

師古曰大雅縣之詩也冢大也土土神為大社也

又

曰以御田祖以祈甘雨

師古曰小雅甫田之詩也田祖稷神也言設樂以御祭於神為

農求甘雨也

禮記曰唯祭宗廟社稷為越紼而行事

李奇曰引棺車

謂之紼當祭天地五祀則越紼而行事不以私喪廢公祀師古曰紼引車索也

聖漢興禮儀稍

定已有官社未立官稷

臣瓚曰高帝除秦社稷立漢社稷禮所謂大社也時又立官社

配以夏禹所謂王社也見漢祀令而未立官社至此始立之世祖中興不立官稷相承至今也

遂於官

社後立官稷以夏禹配食官社后稷配食官稷稷種穀

樹

師古曰穀樹楮樹也其子類穀故於稷種

徐州牧歲貢五色土各一斗

光武建武二年立太社稷於洛陽在宗廟之右方壇無
屋有門墻而已二八月及臘一歲三祠皆太牢具使有
司祠郡縣置社稷太守令長侍祠牲用羊豕唯州所治
有社無稷以其使官古者師行平有載社主不載稷也
漢儀朔前後各二日皆牽羊酒至社下以祭日日有變
割羊以祠社用救日

何休注公羊傳曰日有食之鼓用牲于社求乎陰
之道也以朱絲繫社或曰脅之或曰為閭恐人犯

之故縈之也何休曰脅之與責求同義社者土地之主也月者土地之精也上繫於天而犯日故鳴鼓而攻之脅其本也朱絲縈之助陽抑陰也或曰為闇者社者土地之主尊也為日光盡天闇冥恐人犯歷之故縈之然此說非也先言鼓後言用牲者明先以尊者命責之後以臣子禮接之所以為順也白虎通曰日食必救之陰侵陽也鼓攻之以陽責陰也故春秋日食鼓用牲于社所以必用牲

者社地別神也尊之不敢虛責也日食大水則鼓用牲大旱則雩祭求雨非虛言也助陽責下求陰之道也

魏自漢後但太祖有稷官社無稷故常二社一稷也至明帝景初中立帝社

博士孔臄議漢氏及魏初皆立一社一稷至景初之時更立太社太稷又特立帝社云禮記祭法云王為羣姓立社曰太社言為羣姓下及士庶皆使立社非

自立也今並立二社一神二位同時俱祭於事為重
於禮為黷宜省除一社以從舊典劉喜難曰祭法為
羣姓立社若如鼂議當言王使不得言為下云王為
羣姓立七祀諸侯自為立五祀若是使羣姓私立何
得踰於諸侯而祭七祀乎却為羣姓立七祀乃王之
祀也夫人取法於天取財於地普天率土無不奉祀
而何言乎一神二位以為煩黷

明帝時祭社但稱皇帝

王肅議太尉等祭祀但稱名不稱臣每有事須告皆遣祝史

晉武帝太康九年詔曰社實一神其併二社之祀

車騎司馬傅咸表曰祭法王社太社各有其義穀梁傳曰天子親耕故自立社為籍而報也國以人為本人以穀為命為百姓立社而祈報焉事異體殊此社之所以有二武帝外祖王肅景侯之論曰王社亦謂春祈籍田秋而報之也其論太社則曰王者布下圻

內為百姓立之謂之太社不自立之於京師也景侯
此論據祭法大夫以下成羣立社曰置社景侯解曰
今之里社是太社天子為人而祀故稱天子社郊特
牲曰天子太社必受霜露風雨夫以羣姓之衆王者
通為立社故稱太社若夫里社其數不一蓋以里所
為名左氏傳盟於清邱之社是也人間之社不稱太
矣若復不立之京都當安所立乎前被勅尚書召誥
云社于新邑唯一太牢不立二社之明義也郊特牲

曰社稷太牢必據一牢之文以明社之無二則稷無牲矣說者則曰舉社則稷可知苟可舉社以明稷何獨不舉一以明二國之大事在祀與戎若有過而除之不若過而存之存之有義除之無據周禮封人掌設社壝無稷字今帝社無稷蓋出於此然國主社稷故經傳動稱社稷周禮王祭社稷則絺冕此王社有稷之文也封人設社壝無稷字說者以為約文從可知也謂宜仍舊立二社而加立帝社之稷禹貢惟土

五色景侯解曰王者取五色土為太社封四方諸侯
各割其方色土者覆四方也如此太社復為立京都
也詔曰社實一神而相襲二位衆議不同何必改作
其使仍舊一如魏制

元帝建武元年依洛京立二社一稷

宋仍晉舊無所改作

齊武帝永明十一年修儀其神一位北向稷東向齊官
社壇東北南向立以西為上諸執事西向立以南為上

稷名太稷

卷八十二

祠部郎中何佟之議按禮記郊特牲社祭土而主陰氣也君南向於北墉下答陰也王肅云陰氣北向故君南向以答之為言是相對之稱知古祭社北向設位齋官南向明矣近代相承帝社南向太社及稷並東向而齋官在帝壇北西向於神背行禮又名稷為稷社甚乖禮意謂二社語其義則殊論其神則一位並宜北向稷若北向則成相背稷是百穀之總神非

陰陽之主宜依先東向齋官在社壇東北南向立以西為上諸執事西向立以南為上稷依禮無兼稱若欲尊崇正可名太稷豈得云稷社邪治禮學士議曰郊特牲云君南向答陽也臣北向答君也若以陽氣在南則立應北向陰氣向北則立宜向南今二郊一限南向皇帝奠幣東西向故知壇墀無係於陰陽設位寧拘於南北羣神小祠類皆南面薦饗之時北向行禮蓋欲伸靈祇之尊表求幽之理議與佟之相難

凡三往返有司議治禮無的然明據終之議乃行也
梁社稷在太廟西天監四年以太常省牲太常丞牽牲
太祝令贊牲至大同初又加官稷并前為五壇

其初蓋晉元帝建武元年所創有太社帝社太稷凡
三壇門牆並隨其方色每以仲春仲秋并令郡國縣
祠社稷先農及臘又各祠社稷於壇百姓則二十五
家為一社其舊社及人稀者不限其家春秋祠水旱
禱祈祠具通其豐約舊太社廩犧吏牽牲司農省牲

太祝吏贊牲天監中明山賓議郊特牲云社者神地
之道國主社稷實為重今公卿貴臣親執盛禮而令
微吏牽牲頗為輕末且司農省牲又非其義太常禮
官實當斯職禮祭社稷無親牽牲之文謂宜以太常
省牲廩犧令牽牲太祝令贊牲帝唯以太祝贊牲為
疑又以司農省牲於禮似傷廩犧吏執紉即事誠卑
議以太常丞牽牲餘依山賓議於是遂定

陳依梁舊而帝社以三牲首餘以骨體薦粢盛為六飯

粳以敦稻以牟黃梁以簋白梁以簋黍以瑚粢以璉其義

本之齊制

敦音對

後魏天興二年置太社太稷帝社於宗廟之右為方壇
四陛以二月八月日用戊皆太牢句龍配社周棄配稷
皆有司侍祠

北齊立太社帝社太稷三壇於國右每仲春仲秋元辰
及臘各以一太牢祭焉皇帝親祭則司農卿省牲進熟
司空亞獻司農終獻

隋文帝開皇初建社稷並列於含光門內之右仲春仲秋吉戌各以一太牢祭牲色用黑孟冬下亥又臘祭之郡縣二仲月並以少牢各祭百姓亦各為社

唐社稷亦在含光門內之右仲春仲秋二時戌日祭太社太稷社以句龍配稷以后稷配

武德九年親祠太社詔令四方別其姓類命為宗社京邑庶士臺省羣官里閭相從共遵社法以時供祀各申祈報具立節文明為典制

高宗咸亨五年以宗邑等社事屬煩擾罷之

睿宗神龍元年改先農壇為帝社壇於太壇西立帝稷壇禮同太社太稷其壇不備方色異於太社

時祝欽明與禮官等奏經典並無先農之文永徽年中猶名籍田垂拱以後改為先農然先農與社本是一神其先農壇請改為帝社以應王社之義其祭先農改為帝社仍請准令用孟春吉辰祭后土以句龍配從之

又其年五月詔於東都建置太社令禮官議定社主
太常少卿韋叔夏等引呂氏春秋及鄭元議以為社
主用石又按後魏天平四年四月太社石主遷於社
宮是社主用石矣又檢舊社主長二尺六寸方一尺
七寸禮官博士議社主制度長短在禮無文按韓詩
外傳云天子太社方五丈諸侯半之蓋以土是五數
故壇方五丈其社主請准五數長五尺准陰之二數
方二尺剡其上以象物生方其下以象地體埋其半

以根在土中而本末均也則神道設教法象有憑其
尺請用古尺又檢舊社稷壇上四方布以方色唯中
央數尺飾以黃土禮官韋叔夏等又議曰韓詩外傳
曰天子太社廣五丈各分置四方色訖上冒以黃土
象王者覆彼四方據此合用黃土遍覆壇上今檢舊
壇之上亦備方色唯中央數尺飾以黃土則是覆被
之道有所不及既乖舊制請准古改造於是以方色
飾壇之四面及四陞其上則以黃土覆之

元宗開元十九年正月三十日勅普天率土崇德報功饗祀惟殷剗割滋廣非可以全惠養之道協靈祇之心其春秋二時社及釋奠天下諸州府縣等並停牲牢惟用酒脯務存修潔足展誠敬自今以為常式至二十二年三月二十五日勅春秋祈報郡縣常禮比不用牲豈云血祭陰祀貴臭神何以歆自今以後州縣祭祀特以牲牢宜依常式其年六月二十八日勅大祀中祀及州縣社稷依式合用牲牢餘並用酒脯至貞元五年九月

十二日國子祭酒包佶奏春秋祭社稷准禮天子社稷
皆太牢至大歷六年十月十三日勅中祀少牢社稷是
中祠至今未改勅旨宜准禮用太牢

天寶三載詔社稷列為中祀頗紊大猷自今以後社稷
及日月五星並升為大祀仍以四時致祭

唐開元禮

仲春仲秋上戊祭太社

后土配

太稷

后稷配每坐籩豆各十簋簠各二鉶俎各

二
舊樂用姑洗之均三變社稷之祀於禮為尊豈同邱

陵止用三變合依地祇用函鍾之均八變之樂

皇帝仲春仲秋上戊祭太社太稷儀

攝事附

齋戒

如前祭方丘儀

陳設

前祭三日尚舍直長施大次於社宮西門之外道北南向尚舍奉御鋪御座衛尉設文武侍臣次於大次之後文官在左武官在右俱南向設諸祭官次於齋坊之內

攝事無設大次儀但守臣設祭官次

三師於北門之外諸王於三師之北

俱東向南上文官從一品以下九品以上於齋坊南門之外重行東向北上介公鄺公於北門之外道東向西以南為上諸州使人東方南方於諸王西北東向西方北方於介公鄺公東北重行俱南上武官三品以下九品以上於東門之外道北南向以西為上諸國之客於東門之外東方南方於武官東北南向西方北方於道南北向俱以西為上

攝事無三師以下至此儀

前祭二日太樂令設

宮懸之樂於壇北東方西方磬簋起南鐘簋次之南方

北方磬簋起東鐘簋次之設十二罇鐘於編懸之間各

依辰位樹靈鼓於南懸之內道之左右植建鼓於四隅

置祝啟於懸內

祝在左
啟在右

設歌鐘歌磬各於壇上近北南

向皆磬簋在西其匏竹者各立於壇下南向相對為首

凡懸皆展
而編之

諸工人各位於懸後東方西方以南為上南

方北方以東為上右校清掃內外又為瘞埴二於南門

之內於稷壇西南

攝事為埋坎二
於樂懸之北

方深取足容物北出

陛前祭一日奉禮設御位北門之內當社稷之壇北南

向將祭奉禮郎一人守之在位版東北立五步所南向又設望瘞位西門之內當

瘞埒南向

攝事無御位以下至此儀

設祭官公卿位於西門之內道

北執事位於其後少北每等異位俱重行東面以南為

上設御史位於壇上正位於太社壇東北隅西向副位

於太稷壇西北隅東向

攝事令史陪後

設奉禮位於樂懸西北

贊者二人在北差退俱東面南上又設奉禮贊者位於

瘞埒西北東向北上

攝事無奉禮位

設協律郎位各於壇之上

東北隅俱西向設太樂令位於南懸之間南向設祭官

位三師位於北門之內道西俱南面東上設介公鄫公
位於道東南面西上文官從一品以下九品以上位於
執事北每等異位俱重行東向武官三品以下九品以
上位於東方值文官每等異位重行西向皆以南為上
諸州使人位東方南方於北門之內道西於諸王西北
重行南向以東為上西方北方於道東於介公鄫公東
北重行南向以西為上諸蕃客位於北門之內東方南
方於諸州使人東每國異位俱重行南向西方北方於

諸州使人西每國異位俱重行南向以西為上設門外
位祭官公卿以下皆於西門之外道南每等異位重行
北向以東為上三師位於北門之外道西諸王於三師
之北俱東向介公鄩公位於道東西向皆以南為上文
官從一品以下九品以上位西門之外祭官之南每等
異位重行北面以東為上武官三品以下九品以上位
於東門之外道北每等異位重行南面以西為上諸州
使人位東方南方於諸王西北重行東面西方北方於

介公鄫公東北西面俱南上設諸國客位東方南方於
武官東北每國異位俱重行南向西方北方於道南每

國異位重行北向皆以西為上

攝事無三師北門內位
至此儀但設祭官門外

之位設酒罇之位太社太罇二著罇二壘二壇上西北隅

南向設后土氏象罇二著罇二壘二於太社酒罇之西

俱南向東上各置於坫皆加勺羃

爵皆置
於罇下

設太稷后稷

酒罇於其壇上如太社后土之儀設御洗各於太社太
稷壇之西北南向亞獻之洗又各於西北南向俱壘水

在洗西篚在洗東北肆

篚實以中爵也

執罇罍篚者位於罇

罍篚罍之後各設玉幣之篚於壇上罇坫之所晡後謁

者引光祿卿詣厨省饌具訖還齋所祭日未明十刻大

官令帥宰人以鸞刀割牲祝史以豆取毛血

攝事齋郎取毛血

置於饌所遂烹牲

牲皆用熟

未明五刻太史令郊社令各服

其服升設太社太稷神座各於壇上近南北向設后土

氏於太社神座之左右稷氏神座於太稷神座之左俱

東向席皆以莞設神位各於座首

鑾駕出宮

如方丘之儀

奠玉帛

祭日未明三刻諸祭官各服其服郊社令良醞令各帥

其屬入實罇罍玉幣

太罇為上實以醴齊著罇次之實以盎齊罍為下實以清酒配座之

罇亦如之齊加明水酒加元酒各實於上罇禮神之玉太社太稷俱以兩珪有邸幣色皆以元太官令

帥進饌者實諸籩豆簠簋皆設於神厨未明二刻奉禮

帥贊者先入就位贊引引御史諸太祝及令史祝史與

執罇罍篚罍者入自西門當太社壇北重行南面以東

為上

凡引導者每曲一逡巡

立定奉禮曰再拜贊者承傳

凡奉禮有詞贊

者皆承傳

御史以下皆再拜訖執罇者各升自西陞立於罇

所執罇洗篚罍者各就位贊引引御史諸太祝詣太社

壇西陞升行掃除於上令史祝史行掃除於下降又詣

太稷壇行掃除如太社之儀訖各引就位駕將至謁者

贊引各引祭官通事舍人分引從祭羣官客使先至者

俱就門外位駕至大次門外廻輅南向將軍降立於輅

右侍中進當鑾駕前跪奏稱侍中臣某奏請降輅俛伏

興還侍位皇帝降輅之大次謁者引文武五品以上從

祭羣官皆就門外位

攝事謁者贊引引祭官各就位無駕將至至此儀

太樂令

帥工人二舞次入就位文舞入陳於懸內武舞立於懸北道東謁者引司空入就位立定奉禮曰再拜司空再拜訖謁者引司空詣壇西陞升行掃除於上升稷壇亦如之訖降行樂懸於下訖引就門外位皇帝停大次半刻頃謁者贊引各引祭官通事舍人分引從祭文武羣官介公鄼公諸國客使先入就位太常博士引太常卿

立於大次門外當門北向侍中版奏外辦皇帝服繡冕

出次華蓋侍衛如常儀

侍中負璽陪從如式

博士引太常卿太常

卿引皇帝

凡太常卿前導皆博士引

至社宮西門外殿中監進大珪

尚衣奉御又以鎮圭授殿中監受進皇帝搢大圭執鎮

圭華蓋侍衛停於門外近侍者從入如常儀謁者引禮

部尚書太常少卿陪從如常皇帝至版位南向立

每立定太

常卿與博士退立於左

謁者贊引各引祭官次入就位立定太常

卿前奏稱請再拜退復位皇帝再拜奉禮曰衆官再拜

在位者皆再拜其先拜者不拜太常卿前奏有司謹具

請行事退復位

攝事謁者白太尉下放此

協律郎跪俛伏舉麾

凡取物者

跪俛伏而取以興奠物則奠訖俛伏而後興

鼓祝奏順和之樂乃以函鍾為

均文舞八成偃麾戛敔樂止

凡樂皆協律郎舉麾工鼓祝而後作偃麾戛敔而後

止太常卿前奏稱請再拜退復位皇帝再拜奉禮曰衆

官再拜在位者皆再拜諸太祝俱取玉幣於篚各立於

罇所太常卿引皇帝太和之樂作

皇帝每行皆作太和之樂

皇帝詣

太社壇升自北陛侍中中書令下及左右侍衛量人從

升

以下皆如之

皇帝升壇南向立樂止太祝加玉於幣以授

侍中侍中奉玉幣西向進皇帝搢鎮圭受玉帛

凡授物皆搢鎮

圭奠訖執圭俛伏興

登歌作肅和之樂乃以應鍾之均太常卿引

皇帝進南向跪奠於太社神座俛伏興太常卿引皇帝

少退南向再拜太常卿引皇帝立於東方西向太祝以

幣授侍中侍中奉幣南向進皇帝受幣太常卿引皇帝

進西向跪奠於后土氏神座俛伏興太常卿引皇帝少

退西向再拜訖登歌止太常卿引皇帝降自北陛樂作

太常卿引皇帝詣太稷壇升自北陛南向立樂止太祝
加玉於幣以授侍中侍中奉玉幣西向進皇帝受玉幣
登歌作太常卿引皇帝進南向跪奠於太稷神座俛伏
興太常卿引皇帝少退南向再拜訖太常卿引皇帝立
於東方西向又太祝以幣授侍中侍中奉幣南向進皇
帝受幣登歌作太常卿引皇帝進奠於后稷氏神座俛
伏興太常卿引皇帝少退西向再拜訖登歌止太常卿
引皇帝降自北陛樂作皇帝還版位南向立樂止初羣

官拜訖祝史各奉毛血之豆立於門外登歌止祝史奉毛血入各由其陞升諸太祝迎取於壇上俱進奠於神座前諸太祝與祝史退立於罇所

進熟

皇帝既升奠玉幣太官令出帥進饌者奉饌陳於西門外謁者引司徒出詣饌所司徒奉太社之俎初皇帝既至位樂止太官令引饌入太社太稷之饌入自正門配座之饌入自左闥俎初入門雍和之樂作以太簇之均

饌至陞樂止祝史各進徹毛血之豆降自西陞以出太社太稷之饌升自北陞配座之饌升自西陞諸太祝迎引於壇上各設於神座前

籩豆蓋罍先徹乃升籩簋奠訖却其蓋於下

設訖

謁者引司徒以下降自西陞復位諸太祝還罇所太常卿引皇帝樂作皇帝詣太社壇升自北陞樂止謁者引司徒升自西陞立於罇所齋郎奉俎從升立於司徒之後太常卿引皇帝詣太社酒罇所執罇者舉罍侍中贊酌

醴齋壽和之樂作

皇帝每酌獻及飲福皆壽和之樂

太常卿引皇帝進

太社神座前南面跪奠爵俛伏興太常卿引皇帝少退南向立樂止太祝持版進於神座之右西面跪讀祝文

曰維某年歲次月朔日子嗣天子某

攝事云謹遣太尉封臣名下同

敢

昭告於太社維神德兼博厚道著方直載生品物含弘

庶類謹因仲秋

仲春

祇率常禮敬以玉帛一元大武柔毛

剛鬣明粢薌合鄉奠嘉蔬嘉薦醴齊備茲禋庖用伸報

本以后土句龍氏配神作主尚饗興皇帝再拜初讀祝

文訖樂作太祝進奠版於神座前還罇所皇帝拜訖樂止太常卿引皇帝詣后土氏酒罇所執罇者舉冪侍中取爵於坫進皇帝受爵侍中贊酌醴齊樂作太常卿引皇帝進后土氏神座前西向跪奠爵俛伏興太常卿引皇帝少退西向立太祝持版進於神座之左南面跪讀祝文曰維某年歲次月朔日子開元神武皇帝某敢昭告於后土氏爰茲仲春秋仲揆日惟吉恭修常祀薦於太社惟神功著水土平易九州昭配之義實惟通典謹以

制幣一元大武柔毛剛鬣明粢薌合薌其嘉薦醴齊陳
於表位作主侑神尚饗訖興皇帝再拜初讀祝文訖樂
作太祝進奠版於神座前還罇所皇帝拜訖樂止太常
卿引皇帝進太社神位前南向立樂作太祝各以爵酌
上罇福酒合置一爵訖太祝持爵授侍中侍中受爵東
向進皇帝拜受爵跪祭酒啐酒奠爵俛伏興太祝帥齋
郎進俎太祝減太社神座前三牲胙肉各置一俎上太
祝以俎授司徒司徒持俎東向以次進皇帝每受以授

左右皇帝跪取爵遂飲卒爵侍中進受爵以授太祝太祝受爵復於坵皇帝俛伏興再拜樂止太常卿引皇帝樂作皇帝降自北陛詣罍洗樂止謁者引司徒降壇西陛以從皇帝至罍洗盥手洗爵侍中黃門侍郎贊洗如常訖太常卿引皇帝樂作皇帝詣太稷壇升自北陛樂止謁者引三公三公與齋郎奉俎升自西陛立於罇所皇帝詣太稷酒罇所執罇者舉罇侍中贊酌醴齊樂作太常卿引皇帝進太稷神座前南向跪奠爵俛伏興太

常卿引皇帝少退南向立樂止太祝持版進於神座之
右西向跪讀祝文曰維某年歲次月朔日子嗣天子某
敢昭告於太稷惟神播生百穀首茲八政用而不匱功
濟氓黎恭以玉帛一元大武柔毛剛鬣明粢薌合薌其
嘉薦醴齊式陳庖祭備修常禮以后稷棄配神作主尚
饗訖皇帝再拜初讀祝文訖樂作太祝進奠版於神座
還罇所皇帝拜訖樂止太常卿引皇帝詣后稷氏酒罇
所執罇者舉冪侍中取爵於坩進皇帝受爵侍中贊酌

醴齊樂作太常卿引皇帝詣后稷氏神座前西向跪奠
爵俛伏興太常卿引皇帝少退西向立樂止太祝持版
進於神座之左南面跪讀祝文曰維某年歲次月朔日
予開元神武皇帝某敢昭告於后稷氏爰以仲春仲秋式
揀吉辰敬修常禮薦於太稷惟神功叶稼穡闡修農政
允茲從祀用率舊章謹以制幣一元大武柔毛剛鬣明
粢薌合薌萁嘉薦醴齊陳於表位作主配神尚饗訖興
皇帝再拜初讀祝文訖樂作太祝進奠版於神座前還

罇所皇帝拜訖樂止太常卿引皇帝進太稷神座前南向立樂作皇帝飲福受胙如太社之儀訖樂止太常卿引皇帝樂作皇帝降自北陛還版位南向立樂止謁者引司徒降自西陛復位文舞出鼓祝作舒和之樂出訖夏啟樂止武舞入鼓祝作舒和之樂立定夏啟樂止皇帝獻后土氏將畢謁者引太尉攝事則引太常卿下同詣罍洗盥手洗爵訖謁者引太尉自西陛升壇詣太社酒罇所執罇者舉罇太尉酌盞齊武舞作謁者引太尉進太社神

座前南向跪奠爵興謁者引太尉少退南向再拜謁者
引太尉詣后土氏酒罇所取爵於坵執罇者舉罇太尉
酌盞齊謁者引太尉進后土氏神座前南向跪奠爵興
謁者引太尉少退西向再拜謁者引太尉進太社神座
前南向立太祝各以爵酌罍福酒合置一爵訖太祝持
爵進太尉之右東向立太尉再拜受爵跪祭酒遂飲卒
爵太祝進受爵復於坵太尉興再拜謁者引太尉降自
西陛詣罍洗爵詣太稷壇升獻如太社之儀訖引降復

位初太尉獻后土將畢謁者引光祿卿

攝事同以光祿卿為終獻

詣

壘洗盥手洗爵升酌盞齊終獻如亞獻之儀訖謁者引

光祿卿降復位武舞六成樂止舞獻俱畢諸太祝各徹

豆還罇所奉禮曰賜胙贊者唱衆官再拜在位者皆再

拜已飲福受胙者不拜順和之樂作太常卿奏稱請再

拜退復位皇帝再拜奉禮曰衆官再拜在位者皆再拜

樂一成止太常卿前奏請就望座位太常卿引皇帝樂

作皇帝就望座位南向立樂止羣官將拜諸太祝各執

篚進神座前取幣齋郎以俎載牲體稷黍飯爵酒各由其陞降壇南行當瘞埴西行諸太祝以玉幣饌置於埴訖奉禮曰可瘞埴東西面各四人寘土半埴太常卿前奏禮畢太常卿引皇帝還大次樂作皇帝出門殿中監前受鎮珪以授尚衣奉御殿中監又前受大珪華蓋侍衛如常儀皇帝入次樂止謁者贊引引祭官通事舍人引從祭羣官諸方客使以次出贊引引御史以下俱復執事位立定奉禮曰再拜御史以下皆再拜贊引引工

人二舞以次出其祝版燔於齋所

鑾駕還宮

如方丘之儀

諸州祭社稷儀

諸縣祭社稷附

前三日刺史

縣則縣令下放此

散齋於別寢二日致齋於廳事

一日亞獻以下應祭之官散齋二日各於正寢致齋一

日皆於壇所

上佐為亞獻錄事參軍及判司為終獻若判司及上佐等有故並次差攝之縣則丞

為亞獻主簿及尉通為終獻若縣令已下諸從祭之官

各清齋於公館一日

從祭官刺史未出之前先赴祭所齋皆如別儀前二日本

司先修除壇之内外

其壇方二丈五尺高三尺四寸出階三等

為瘞瘠二於

壇西門之外道北南向

縣治於壇北方深足容物

設刺史次於社壇

西門之外道北南向

縣令同

諸祭官以下次於刺史次西

北俱南向以東為上前一日晡後本司帥其屬守社稷

壇四門去壝九十步所

縣七步

禁止行人本司設刺史位

於北門之內道西南向

若刺史有故攝祭初獻位於亞獻之前東西縣令位同設

亞獻終獻位於社稷壇西北設掌事者位於西門之內

道北俱每等異位東向北上設贊唱者位於終獻西北

東面南上設州官位於祭官掌事者之北東面

縣從祭官位同

府官位於東方當州官西面俱重行南上

縣無府官以下至此

設

望瘞位於埴北南向東上設門外位祭官以下於西門

之外道南州官於祭官之南俱重行北面以東為上

縣從

祭官位同

府官於東門之外道南重行北面以西為上祭器

之數每座罇二籩八豆八簋二簋二俎三羊豕皮腊各

一俎

縣同

掌事者以罇站升自西階各設於壇上西北隅

配座之罇在西俱南向東上皆加勺羃社稷皆一爵配

座皆爵四各置於坵設洗於社稷北陸之西去壇三步
所南向罍水在洗西加勺罍篚在洗東北肆實爵六巾

二加羃執罇罍洗篚者各位於罇罍洗篚之後祭日未

明烹牲於厨

祝以豆二
取牲血

夙興掌饌者實祭器

牲體羊豕
皆載右胖

前脚三節肩臂臑節一段皆載之後脚三節節一段去
下一節載上肱脰二節又取正脊脰脊橫脊短脇正脇
代脇各二骨以並餘皆不設簋實黍稷簋實稻粱籩實
石鹽乾魚棗栗榛菱芡鹿脯豆實蠶菹醢醢菁菹鹿醢
韭菹兔醢笋菹魚醢若
土無者各以其類充之
本司帥掌事者以席入自西門

詣壇西階升設社稷神座各於壇上近南北向又設后

土氏神座於社神之左后稷氏神座於稷神之左俱東

向

席皆以莞

質明諸祭官及從祭之官各服其服

祭官服祭服從祭之

官應公服者公服非公服者常服

本司帥掌事者入實罇壘

每座罇二一實元酒

為上一實醴齊次之

祝版各置於坫祝以幣各置於筐與血豆俱

設於饌所

社稷之幣皆用黑各長丈八尺

贊唱者先入就位祝與執罇

壘篚者入自西門當社壇北重行南向以東為上立定

贊唱者曰再拜祝以下皆再拜執罇者升自西階立於

罇所執壘篚者各就位諸祝詣社壇升自西階行掃除

訖降詣稷壇升掃除如社壇之儀降掃除於下訖皆就

位刺史將至

縣則縣令將至下放此

贊禮者引祭官及從祭之官

與掌事者俱就門外位刺史至參軍事引之次贊唱者

先入就位

縣令贊者引下放此

刺史停於次少頃服祭服出次參

軍事引刺史入自西門就位南向參軍事立於刺史之

東少退南向贊禮者引祭官以下及從祭之官以次入

就位

凡導引者每曲一送巡

立定贊唱者曰再拜刺史以下皆再

拜參軍事少進刺史之左西面曰請行事退復位本司

帥執饌者奉饌陳於西門之外祝以幣授刺史參軍事
引刺史自北階升壇南向跪奠幣於社神座前訖興少
退再拜祝又以幣授刺史參軍事引刺史升稷壇南向
跪奠幣於稷神座如社壇之儀訖參軍事引刺史降復
位本司引饌入社稷之饌升自北階配座之饌升自西
階諸祝迎引於壇上設於神座前

籩豆蓋冪先徹乃升
簠簋既奠却其蓋於

下籩居右豆居左簠簋居其間羊
豕二俎橫而重於右腊特於左

本司與執饌者降自

西階復位諸祝各還罇所參軍事引刺史

縣贊禮者引
縣令下同

詣壘洗執壘者酌水執洗者跪取盤興承水刺史盥手
執篚者跪取巾於篚興進刺史帨手訖執篚者受巾跪
奠於篚遂取爵興以進刺史受爵執壘者酌水刺史洗
爵執篚者又取巾於篚興進刺史拭爵訖受巾奠於篚
奉盤者跪奠盤興參軍事引刺史自社壇北階升詣社
神酒罇所執罇者舉罇刺史酌醴齊參軍事引刺史詣
社神座前南向跪奠爵興少退南向立祝持版進於神
座之右西向跪讀祝文曰維某年歲次月朔日子某官

姓名敢昭告於社神維神德兼博厚道著方直載生品

物含養庶類謹因仲春

仲秋

祇率常禮恭以制幣犧齊粢

盛庶品備茲明薦用伸報本以后土句龍氏配神作主

尚饗

縣祝文以下並同

訖祝興刺史再拜祝進跪奠版於神座

興還罇所刺史拜訖參軍事引刺史詣配座酒罇所取

爵於坵執罇者舉罇刺史酌醴齊參軍事引詣后土氏

神座前西向跪奠爵興少退西向立祝持版進於后土

氏前祝文曰爰茲仲春

仲秋

厥日惟戊敬修常祀薦於社

神惟神功著水土平易九州昭配之義實通祀典謹以
犧齊粢盛庶品式陳明薦作主侑神尚饗祝興刺史再
拜祝進跪奠版於神座興還罇所刺史拜訖參軍事引
刺史進當社神座前南向立祝各以爵酌福酒合置一
爵祝持爵進於刺史之右東向立刺史再拜受爵跪祭
酒啐酒奠爵興祝帥執饌者以俎進減社神座前胙肉
各取前腳第二骨共置一俎上興祝持俎東向進刺史受以授
左右刺史跪取爵飲卒爵祝進受爵復於坵刺史興再

拜參軍事引刺史降自北階詣壘洗盥手洗爵自稷壇
北階升詣稷神酒罇所執罇者舉冪刺史酌醴齊參軍
事引刺史詣稷神座前南向跪奠爵興少退南向立祝
持版進於神座之右曰敢昭告于稷神惟神播生百穀
首茲八政用而不匱功濟氓黎恭以制幣犧齊粢盛庶
品祇奉舊章備茲瘞禮以后稷棄配神作主尚饗訖祝
興刺史再拜祝進跪奠版於神座興還罇所刺史拜訖
參軍事引刺史詣配座酒罇所刺史取爵於坫執罇者

舉冪刺史酌醴齊參軍事引刺史詣后稷氏座前西向
跪奠爵興少退西向立祝持版進於神座之右南面跪
讀祝文曰敢昭告於后稷氏爰以仲春

仲秋

恭修常禮薦

於稷神惟神功叶稼穡闡修農政允茲從祀用率舊章
謹以制幣犧齊粢盛庶品式陳明薦作主配神尚饗訖
祝興刺史再拜祝進跪奠版於神座興還罇所刺史拜
訖參軍事引刺史詣稷神座前南向立飲福受胙如社
壇之儀訖參軍事引刺史降自北階還本位初刺史獻

將畢贊者引亞獻詣罍洗盥手洗爵升獻如刺史之儀

唯不讀祝文不受胙

亞獻將畢贊禮者引終獻詣罍洗升酌終獻

如亞獻之儀訖降復位諸祝各進神座前跪徹豆興還

罇所贊唱曰賜胙再拜非飲福受胙者皆再拜贊唱者

又曰再拜刺史以下皆再拜參軍事少進刺史之左西

面白請就望瘞位刺史就望瘞位西向立祝於神前取

幣及血寘於埴贊唱者曰可瘞埴東西面各二人寘土

半埴參軍事進刺史左白禮畢遂引刺史出還次贊禮

者引祭官以下次出諸祝及執罇罍籩者降復掌事位
贊唱者曰再拜祝以下皆再拜以出其祝版燔於齋所
諸里祭社稷儀

前一日社正及諸社人應祭者各清齋一日於家正寢
正寢者謂人家前堂待賓之所應設饌之家先修治神樹之下又為瘞

埵於神樹之北方深取足容物掌事者設社正位於稷
座西北十步東面諸社人位於其後東面南上設祝奉
血豆位於瘞埵之北南向祭器之數每座酒罇二并勺

一以巾覆之俎二籩二豆二爵二簋二簋二

無禮器者量以餘器

充祭日未明烹牲於厨

唯以特豕祝以豆取牲血而置於饌所

夙興掌饌

者實祭器

牲體載右胖折節如州縣制分載二俎其罇一實元酒為上一實清酒次之籩實棗栗豆

實菹醢簋實黍稷簋實稻粱

掌事者以席入社神之席設於神樹下

稷神之席設於神樹西俱北向質明社正以下各服其

服掌事者以盥水器入設於神樹北十步所加勺巾二

爵一於其下盛以箱又以酒罇入設於神北近西社神

之罇在東稷神之罇在西俱東上南向

置爵二及祝版於罇下

執

罇者立於罇後掌事者入實罇酒訖祝及執罇者

其祝以社

人有學識者充之

入當社神北南向以東為上皆再拜執酒罇

者就罇後立其執盥者就盥器後立贊禮引社正以下

俱就位立定贊禮者贊再拜社正以下皆再拜祝詣罇

所贊禮者贊再拜社正以下皆再拜掌事者以饌入各

設於神座前

蒞醢居前左右廂泰稷在其間俎居其外

訖掌事者出贊禮者

引社正詣盥器所執盥者酌水社正洗手取巾拭手訖

洗爵拭爵訖贊禮者引社正詣社神酒罇所酌酒訖贊

禮者引社正詣社神座前跪奠爵於饌右興少退南向立祝持版進社神座東西面跪讀祝文曰維某年歲次

月朔日子某坊

村則云某村次下准此

社正姓名合社若干人等

今昭告於社神惟神載育黎元長茲庶物時屬仲春

仲秋

日惟吉戊謹率常禮恭用特牲清酌粢盛庶品祇薦社神尚饗祝興社正以下及社人等俱再拜贊禮者引社正詣稷神罇所取爵酌酒訖贊禮者引社正詣稷神座前南向跪奠酒於饌右興少退南向立祝持版進於稷

神座西東向跪讀祝文曰若干人等敢昭告於稷神惟神主茲百穀粒此羣黎今仲春吉戊

秋云仲秋

謹率常禮恭

以特牲清酌粢盛庶品祇薦於稷神尚饗祝興社正以下及社人俱再拜贊禮者引社正立於社神座前南向立祝以爵酌社稷神福酒合置一爵進社正之右社正再拜受酒訖跪祭酒遂飲卒爵祝受爵還罇所社正興再拜贊禮者引社正還本位立定贊禮者贊再拜社正及社人俱再拜訖祝以血置於炤炤東西各一人寘土

半埒贊禮者少前白禮畢遂引社正等出祝與執罇者復位再拜訖出其餘饌社人等俱於此餽如常會之儀其祝版燔於祭所

宋制祀太社太稷為大祀每歲春秋二仲月及臘日奉之其常祀州縣惟春秋二祭

真宗景德四年戶部員外郎判太常禮院言天下祭社稷釋奠長吏多不親行事及闕三獻之禮甚非為民祈福尊師設教之意望令禮官申明舊典詔付有司

神宗元豐三年詳定郊廟禮文所言太社太稷祝版牲幣饌物請並瘞於坎更不設燔燎

又言周禮大宗伯以血祭祭社稷社為陰祀血者陰幽之物陰祀而用幽陰之物所謂本乎地者親下各從其類也今祭社稷儀注不用血祭皆違經禮請祭社稷以埋血為始郊天先祭血次薦腥次薦燔次薦熟社稷五祀先薦燔次薦熟至於羣小祀薦熟而已近世社稷五祀不薦燔皆未應禮請社稷五祀先薦

燭次薦熟古者祭社君南向於北墉下所以答陰也
今社墉內不設北墉而有司攝事乃設東向之位於
禮非是請太社墉內設北墉以備親祠南向答陰之
位其有司攝事則立北墉下少西王制曰天子社稷
皆太牢諸侯社稷皆少牢今自太社太稷下至郡縣
社稷皆用少牢而祭殊不應禮夫為一郡邑報功者
當用少牢為天下報功者當用太牢所有春秋祈報
太社太稷請於羊豕之外加以角握二並從之

七年詔諸州社稷於壇側建齋廳三楹以備望祭

徽宗政和三年議禮局上五禮新儀太社壇廣五丈高五尺四出陛五色土為之太稷壇在西如社壇之制社以石為主其形如鐘長五尺方二尺剡其上培其下半州縣社壇方二丈五尺高三尺四出陛稷壇如社壇之制四門同一壇二十五步壇飾各隨方色幬以黃土

五年知歙州歙縣盧知原言社稷之祭郡邑以長吏及以次官充三獻官著於甲令比來州郡多委曹掾攝事

請申嚴有司應奉祀官非實有疾故不得輒委他官行禮從之

高宗紹興元年禮官請歲以春秋二仲及臘前祭太社太稷設位於天慶觀以酒脯一獻明年望祭於臨安天寧觀

八年改祀於惠昭齋宮以言者為用血祭始用羊豕皆四籩豆皆十有二備三獻如祀天地之儀徙齋宮之櫺星門於南除其地以設牲器

十四年詔築壇壝於觀橋之東壇成立石主置太社令一員

孝宗淳熙四年命臨安守臣更立望祭殿及庖室齋廬其儀皆如祭神州唯設太社太稷位於壇之南方北向后土句龍氏后稷氏位於其西東向

祀社稷儀注

陳設

前祀二日本司修除壇之內外設祀官次於壇西門之

外道北南向祀日掌事者設神位版於壇上席以莞執
罇壘者設祭器掌饌者實之正配每位籩八在神位前
左重三行豆八在神位前右重三行俎二在籩豆外分
左右槃一在籩豆之間簋簋各一在二俎之間設罇二
於壇上西北隅配位之罇在西俱南向西上罇置於坵
加以勺罍設洗二各於子陞之西南向社稷各一壘在洗西
加勺罍籩在洗東北肆置巾爵設三獻位於壇西北祝
位二又於其西俱道北南向東上又設祝位於稷壇上

東向南上設初獻飲福位於稷壇上神座之東北南向
設望瘞位於瘞埴之南北向東上開瘞埴各於壇之北
壬地方深取足容物南出陞置香爐合并燭於神座之
前幣置篚陳於左祝版置玷陳於右

行禮

祀日質明諸祀官各服其服贊禮者引三獻官以下入
就位立贊禮者少前初獻之左贊請行事執事者瘞血
贊唱者曰拜獻官以下皆再拜訖祝詣社壇升自西陞

就位東向立俟初獻將詣壘洗祝詣社壇跪取幣於篚興立於社神座左贊禮者引初獻詣社壇壘洗北南向執壘者酌水初獻搢笏盥手執篚者取巾於篚授初獻悅手訖即受巾奠於篚初獻執笏升自子陞詣社神座前南向搢笏跪三上香祝以幣東向跪授初獻訖興詣配位前南向立初獻受幣奠於社神座前執笏俛伏興再拜訖引初獻詣后土神座前西向如上儀訖祝次詣稷神座前東向立初獻降壇詣稷壇壘洗升獻並如社

壇之儀訖降還位祝復位立少頃引初獻再詣社壇壘
洗南向執壘者酌水初獻搯笏盥手帨手訖又取爵以
授初獻執壘者酌水初獻洗爵又授巾初獻拭爵訖巾
奠於篚初獻執笏升自子陞執事者引初獻詣社神酒
罇所舉羣酌酒於爵初獻詣社神座前南向搯笏跪執
爵三祭酒奠爵執笏俛伏興少退南向立初獻將詣壘
洗祝詣社壇持版於社神座之右西面跪讀祝訖初獻
再拜祝奠版於神座右坵興次詣配位前北向立執事

者引初獻詣配位酒罇所舉冪酌酒於爵初獻詣后土氏神座前西向跪執爵三祭酒奠爵初獻執笏俛伏興少退西向立祝持版於后土神座之右北面跪讀祝畢初獻再拜祝奠版於神座右坳興詣稷神座前西向立初獻降壇詣稷壇壘洗盥帨洗爵訖升自子陞執事者詣稷神酒罇所舉冪酌酒於爵初獻詣稷神座前南向搢笏跪執爵三祭酒奠爵執笏俛伏興少退南向立祝持版於稷神之右西面跪讀祝畢初獻再拜祝奠版於

神座右坫興次詣配位前北向立執事者引初獻詣配位酒罇所舉罇酌酒於爵初獻詣后稷氏神座前西向跪執爵三祭酒奠爵執笏俛伏興少退西向立祝持版於后稷神座之右北面跪讀祝畢初獻再拜祝奠版於神座右坫興初獻降復位次引亞獻詣社壇壘洗北南向搢笏盥手帨手洗爵執笏升自西陞詣社神座前南向搢笏跪執爵三祭酒奠爵執笏俛伏興再拜次詣后土氏神座前如上儀訖降壇詣稷壇壘洗升獻並如社

壇之儀訖降復位次引終獻詣社稷壇壘洗升獻如亞獻之儀降復位次引初獻詣稷壇升自子陞詣飲福位南向立執事者各以爵酌酒合置一爵持爵詣初獻之左西向立初獻再拜搢笏跪受爵祭酒啐酒奠爵執饌者以俎減社稷神座前胙肉合置一俎上又以豆取稷黍飯合置一豆先以飯授初獻受訖又以俎授初獻受訖皆以授執饌者初獻取爵飲卒爵執事者受虛爵復於坫初獻執笏俛伏興再拜降復位次引初獻以下詣社

稷壇望瘞位北向立執事者以筐詣神位跪取祝版幣
及饌物牲之左髀寘於坩以火焚半贊禮者曰可瘞寘
土半坩訖贊禮者少前贊禮畢引初獻以下出退

舊制用羊豕各一口籩十二菱芡栗鹿脯榛實乾桃
乾榛乾棗形鹽魚鱠糗餌粉餐登二太羹鉶鼎三鉶
羹盤一毛血簋二黍稷簋二稻粱豆十二芹筍葵菁
韭醢食魚醢豚拍鹿鷄醢醢糝食兔俎八羊腥七體
羊熟十一羊腥胃肺羊熟腸胃肺豕腥七體豕熟十

一豕腥膚炙熟膚罇罍二十四實以酒並同皇地祇
七年權禮部侍郎齊慶胄奏郡縣春秋祈報社稷壇壝
器服之度升降跪起之節鄙野不經請以祥符所頒祭
器圖制元豐郊廟祀禮政和五禮新儀與其沿革及今
所用冕服壇壝之制祭祀之儀參類為書鏤版以賜禮
官謂祥符祭器圖制以竹木今臨安上丁上戊及祀風
雷亦用之請以祥符圖製及郡縣壇壝冕服祀儀類為
一書命臨安守臣刻之摹上禮部下之四方名曰淳熙

編類祀祭儀式從之

朱子州縣社稷壇說

州縣社壇方二丈五尺

四步今每步六分之一凡言方者皆徑也此言方二丈五尺者

從東至西二丈五尺從南至北二丈五尺也

高三尺

既言壇高三尺又言壇分

三級則是以一尺為一級也

四出陞

此陞之級即壇之級也但於四面陞之兩旁各以石砌作慢道

隔斷使其中為陞級外為壇級可也

稷壇如社壇之制

社以石為主其形如鐘長二尺五寸

方一尺一寸剡其上培其下半舊法惟社有主而稷無主不曉其意恐不可以已意增添其言壇上之南方非壇之中也蓋神位坐南向北而祭器設於神位之北故此石主當壇上南陞之上若在壇中央即無設祭處矣

四門同一壝二十五步

壝方二十五步者亦是徑二十五步謂從東至西二十五步以


大計之六尺為步則為十五丈也四角築土為壝高三尺許使壇上與齋廳相望得見壝工不用瓦蓋以磚兩面砌使其走水尤為堅固四門當中開門古法不言闊狹恐湏闊一丈餘庶幾行禮執事之人往來寬展不相妨礙兩旁各立一華表高一丈許上以橫木貫之如門之狀華表於禮無文但見州縣有如此者或恐易得損壞不作亦得但壇面二丈五尺乃是上一級之數下面更兩級一級湏展一尺即壇脚湏徑二丈九尺壇飾各隨方色上蓋以黃土古者社稷不屋有明文不用磚砌無所考然亦不言磚砌者中原土密雖城壁亦不用磚今南方土疎不砌恐易壞赤土

瘞坎於壇之北壬地南

出陞方深取足容物

瘞坎在壇之北壬地即是合在北壇門內兩壇邊各於中央下日隔

取壬地各用磚石砌作一小天井深闊三四尺許其南作踏道上下閉時以土實之臨祭即令人取去土掃令潔淨祭畢即使人持幣及祝版之屬從踏道下送入坎中然後下土築實依條差人守視又曰右出政和五禮新儀以行事儀考之二壇東西相並坐南向北石主在壇上之南方北門牆外空地湏令稍寬可容獻官席位空地之北乃作齋廳以備風雨設獻官位獻官南面行事社各植以土之所宜木壇墼等當用古尺不當用大尺



文獻通考卷八十二

欽定四庫全書

史部

文獻通考卷八十三

詳校官內閣學士臣尹壯圖

編修臣程嘉謨覆勘

覆校官中書臣施光輅

校對官庶吉士臣陳墉

謄錄舉人臣武先振

欽定四庫全書

文獻通考卷八十三

鄱陽馬端臨貴與著

郊社考十六

祀山川

虞舜歲二月東巡狩至于岱宗柴

岱宗泰山為四嶽所宗故名柴燔柴祭天

告望秩于山川

東嶽諸侯境內名山大川如其秩次望祭之謂五嶽牲禮視三公四瀆視諸侯

其餘視伯子男

五月南巡狩至于南嶽如岱禮南嶽衡山八月西巡

狩至于西嶽如初

西嶽華山

十有一月朔巡狩至于北嶽如

西禮

北嶽恒山

周制小宗伯兆五帝于四郊四望亦如之

兆為壇之營域鄭司農云

四望道

氣出入又云日月星海元謂四望五嶽四鎮四

讀疏曰鄭司農云四望日月星海而後鄭不從者禮

無祭海之文又書望秩于山川是山川稱望言四望者不可一往就祭當四向望而為壇遙祭之故稱四望也

司服王祀四望則毳毼冕

毳屬衣也元謂毳畫虎雖謂宗彝也其衣三章裳二章凡

五也

屬居例反

疏曰云屬衣也者按爾雅云毛毼

謂之屬則續毛為之若今之毛布但此毼則宗彝謂虎

雖而先鄭以為屬衣於義不可故後鄭不從也又知登

火於宗彝者宗彝則毼也若不登火在於宗彝上則毼

是六章之首不得以毳為五章之首
故知登火於宗彝取其明也

春官

大司樂乃奏姑

洗歌南呂舞大磬以祀四望

三南呂為之合四望五嶽

姑洗陽聲第

四鎮四瀆疏曰以大宗伯五嶽在社稷下山川上故此

文四望亦在社稷下山川上故知四望是五嶽四鎮四

瀆也詳見

牧人望祀各以其方之色牲毛之

取純

祭物樂條

毛也疏曰以其言望與四望義同故知是四望望五

嶽等也地官通典曰牲用少牢各隨方色幣亦隨

方色

五獻察

察明也神靈明察又曰毳冕五章祀四望山川其神既尊

知五獻祭四望山川也禮器通典曰其祭之嶽鎮

則升血為始次薦豆籩及燔肉為朝踐大祭用腥則

次祀用燔也燔謂沈肉於湯故鄭云湯肉為燔

時王

酌盞齊以獻所謂朝踐之獻也大宗伯亞獻亦以盞齊

文獻通考

二

至熟王酌清酒以獻尸亞者亦清酒所謂饋食之獻
通前四獻也尸食訖王又酌清酒以醑尸凡五獻也

男巫掌望祀望衍授號旁招以茅

行依注音延杜子春云望衍謂衍祭也

授號以所祭之名號授之旁招以茅招四方之所望祭
者元謂衍讀為延聲之誤也望祀謂有牲粢盛者延進
也謂但用幣致其神二者詛祝所授類造攻說禋禋之
神號男巫為之招疏見祈禳條黃氏曰望祀四望
之類是望衍小祭祀如四方百物之類是衍之言多也
夫既多矣不止則為黷秦漢以來淫祀何可數計鄭康
成改為延協於大小之衍祭其
日延而進之獨用幣義亦通

大祝國將有事于四

望則前祝

注疏見因祭征伐條

陳氏禮書曰天子四望達於四方魯三望泰山河

海而已書曰海岱及淮惟徐州諸侯之望皆其境
內之名山大川也望雖以名山大川為主而其實
兼上下之神故詩於柴望言懷柔百神及河喬嶽
周禮於望皆言祀而不言祭又典瑞四望與山川
異玉大司樂四望與山川異樂左氏曰望郊之細
也又曰望郊之屬也公羊曰方望之事無所不通
則望兼上下之神可知矣鄭司農釋大宗伯曰四
望日月星海杜預釋左傳曰望祀分野之星及封

內山川許慎曰四望日月星辰河海大山其說蓋有所受之也鄭康成釋大宗伯曰四望五嶽四瀆釋大司樂又兼之以司中司命風伯雨師釋舞師又以四望為四方其言異同不可考也望之禮有二而其用不一男巫掌望祀望衍鄭氏讀衍為延謂望祀有牲與粢盛望衍用幣致神而已然鄭氏於大祝衍祭亦以為延祭禮文殘缺不可考也望祀或設於郊天之後或設於巡狩之方或旅於大

故之時則望有常有不常之祀也崔靈恩謂四望之祭歲各有四不知何據然也望祀其兆四郊其牲各放其方之色其樂姑洗南呂大磬其玉兩圭有邸其服毳冕其位苑以辨之而植表於其中周禮所謂旁招以苑晉語所謂置苑絕設望表是也白虎通謂周公祭泰山以召公為尸其言無所經見

楊氏曰愚按四望之說惟鄭氏注小宗伯云四望

五嶽四鎮四瀆其說為是蓋言望祭天下之名山大川也所謂懷柔百神者言合祭四方名山大川之神故云百神非必兼上下之神也舜即位類于上帝禋于六宗望于山川徧于羣神類也禋也望也各是一事非望兼上下之神可知也

傳僖公三十一年夏四月卜郊不從乃免牲

龜曰卜不

從不吉也卜郊不吉故免牲免猶縱也

猶三望

三望分野之星國中山川皆因郊祀望而祭之

魯廢郊天而修其小祀故曰猶猶者可止之辭

夫問反疏曰公羊傳曰三望者祭泰山河海且魯

境不及於河禹貢海岱及淮惟徐州徐即魯地三望
謂淮海岱也賈逵服虔以為三望分野之星國中
川今杜左氏曰非禮也望郊之細也不郊亦無望可
亦從之

也公羊子曰天子祭天諸侯祭土天子有方望之事
無所不通諸侯山川有不在其封內者則不祭也三
望者何望祭也然則曷祭泰山河海曷為祭泰山
河海山川有能潤於百里者天子秩而祭之觸石而
出膚寸而合側手為膚
按指為寸不崇朝而徧雨乎天下者惟
泰山爾河海潤於千里猶者何通可以已也何以書

譏不郊而望也

又三正記曰郊後必有望

成王盟諸侯於岐陽

岐山

之陽楚為荊蠻

荊州之蠻

置茆蒨設望表與鮮牟守燎

置立也蒨

謂束茆而立之所以縮酒望表謂望祭山川立木以為表表其位也鮮牟東夷國燎庭燎也國語晉語

楚昭王曰三代命祀祭不越望江漢睢漳楚之望

也

睢七餘反

詳見因祭疾而禱條

春秋昭公七年左氏傳晉韓宣子曰寡君寢疾並走羣望見疾

而禱條

朱子曰諸侯祭山川也只祭得境內底如

楚昭王病卜云河為祟時諸大夫欲去祭河昭王自

言楚之分地不及於河河非所以為崇孔子所以美

之云楚昭王知大道矣其不失國也宜哉這便見得

境外山川與我不

相關自不當祭之

小宗伯兆山川邱陵墳衍各因其方

順其所在 疏曰按大司徒職地有

十等此不言林澤原隰亦順所
在可知故畧不言也

山虞若祭山林則為

主而修除且蹕

為主主辨護之也修除治道路場壇
疏曰此山林在畿內王國四方各依四

時而祭云則為主者謂主當祭事者也云修除者謂掃
除糞灑云且蹕者且復蹕止行人也按中候握河紀堯
受河圖云帝立壇磬折西向禹進迎舜契陪位稷辨護
注云辨護者供時用相禮儀則此云辨護者亦謂供時
用相禮儀者也場謂壇即除地
之處壇神位之所也地官

典瑞璋邸射以祀山

川

射食亦反
剡也剡以冉

璋有邸而射取殺於四望鄭司農云射
反或因冉反

疏曰此祀山川謂若

宗伯云兆山川邱陵各於其方亦隨四時而祭則用此
璋邸以禮神

春官

冬官玉人之事璋邸射素功以

祀山川注曰邠射刺而出也鄭司農云素功無琢飾也
疏云以祀山川者謂四望之外所有山川皆是云邠射
刺而出也者向上謂之出半圭曰璋璋首邪却之
今於邪却之處從下向上總邪却之名為刺而出 司

服王祀山川則毳冕

注疏見四望禮

大司樂乃奏蕤賓歌

鍾舞大夏以祭山川

蕤人誰反函胡南反 疏曰應鍾之第四函鍾為之合

六三上生蕤賓之九四是陽聲第四也蕤賓午之氣也
五月建焉而辰在鶉首函鍾未之氣也六月建焉而辰
在鶉火是函鍾之合也
詳見樂考 大宗伯以血祭祭五嶽以狸沈祭

山林川澤

疏曰云陰祀自血起者對天為陽祀自煙起
貴氣臭同也云五嶽東曰岱宗南曰衡山西

曰華山北曰恒山中曰嵩高山者此五嶽所在據東都
地中為說按大司樂云四鎮五嶽崩注云華在豫州嶽

在雍州彼據鎬京為說彼必據鎬京者彼據災異若據洛邑則華與嵩高並在豫州其雍州不見有災異之事故注有異也按爾雅江河淮濟為四瀆為定五嶽不定者周國在雍州時無西嶽故權立吳嶽為西嶽非常法爾雅不載以東都為定故爾雅載之也若然此南嶽衡按爾雅霍山為南嶽者霍山即衡山故地理志楊州霍山為南嶽者山今在廬江彼霍山與冀州霍山在嵩華者別云不見四瀆四瀆者五嶽之匹或省文者五嶽四瀆相對若天地故設經省文惟見五嶽也若然下云狸沈祭山林川澤五嶽歆神雖與社稷同用血五嶽四瀆山川之類亦當狸沈也云祭山林川澤總言不析別而說故性之含藏者經狸沈祭山林川澤總言不析別而說故鄭分之以其山林無水故狸之川澤有水故沈之是其順性之含藏也春官楊氏曰以血祭祭五嶽是四望事四望乃天子之禮也然其方之諸侯亦所當祭如魯祭泰山是也

通典曰黃帝祭於山川與為多焉與

比也祭祀山川黃帝為多虞氏秩於山川徧於羣神周制四坎壇祭四方四方即謂山林川谷邱陵之神祭山林邱陵於壇川谷於坎每方各為坎為壇牲用少牢各隨方色幣亦隨方色其祭之嶽鎮則升血為始四瀆則沈血為始爾雅祭山曰廋縣祭川曰浮沈疏曰廋縣祭山之名也廋謂獬藏之大宗伯云以獬沈祭山林川澤鄭注云祭山林曰獬是也縣謂縣其牲幣於山林中郭云或廋或縣置之於山是也又山海經曰縣以吉玉是也浮沈郭云投祭水中或浮或沈大宗伯云以獬沈祭山林川澤鄭注云祭川澤曰沈順其性之含藏也廋九委反又九偽反徐居綺反字亦作虔同夏官小子凡沈辜候禳飾其牲注曰鄭司農云沈謂祭川辜謂磔牲以祭也

舞師掌教兵舞帥而舞山川之祭祀

疏曰

云掌教兵舞謂教野人使知之國有祭山川則舞師還帥領往舞山川之祀詳見祭物樂舞

鬯人

掌共秬鬯而節之

注疏見社稷禮

凡山川用蜃

故書蜃或為謨杜子春云謨當

為蜃鄭司農云謨器名漆罇也元謂蜃畫為蜃形蚌曰合漿尊之象

蚌步項反曰合音含本亦作含疏曰

云蜃畫為蜃形者亦謂漆畫之云蚌曰合漿尊之象者蚌蛤一名含漿含漿則是容酒之類故畫為蜃而尊名

也

五獻察

謂祭四望山川及通典五獻並見四望

注疏

孟春命祀山林

川澤犧牲毋用牝

為傷牡生之類

仲冬天子命有司祈祀四海

大川名原淵澤井泉

順其德盛之時祭之也今月令淵為深

季冬乃畢山

川之祀

月令

天子祭天下名山大川五嶽視三公四瀆

視諸侯

視視其牲器之數疏曰按夏傳云五嶽視三公四瀆視諸侯其餘山川視伯小者視子男鄭

注云謂其牲幣粢盛邊豆爵獻之數非謂尊卑按周禮上公饗餼九牢飧五牢饗禮九獻豆四十侯伯饗餼七牢飧四牢饗禮七獻豆三十有二子男饗餼五牢飧三牢饗禮五獻豆二十有四又五等諸侯膳皆太牢祭亦太牢簋皆十有二祭四望山川用毳冕鄭注禮器五獻祭謂祭四望山川也又侯伯無別三公與子男同今此王制云五嶽視三公四瀆視諸侯則三公尊於諸侯夏傳云四瀆視諸侯其餘山川視伯小者視子男是伯與侯別今鄭注此云視視其牲器又注夏傳謂其牲幣粢盛邊豆爵獻之數參驗上下並與周禮不同不可強解合之為一此王制所陳多論夏殷之制夏傳所說又非周代之禮鄭之所註者當據異代法也此經云四瀆視諸侯夏傳視諸侯之下云其餘山川視伯小者視諸侯子男則此諸侯謂是侯爵者不得總為五等諸侯

祭名山大川之在其地者

魯人祭泰山晉人祭河是也
王制曲禮天子諸侯祭

山川疏曰祭山川者周禮兆五帝於四郊四望四類亦如之也祭山川者王制云在其地則祭之亡其地則不祭是也楊氏曰舜望秩於山川秩序也以次序而祭之五嶽視三公四瀆視諸侯特言其禮有隆殺輕重爾注疏拘於牲幣粢盛籩豆爵獻之數失於太泥遂至於不可強解不必然也

傳五嶽者何謂也泰山東嶽也霍山南嶽也華山西嶽也常山北嶽也嵩高山中嶽也五嶽何以視三公能大布雲雨焉能大斂雲雨焉雲觸石而出膚寸而合不崇朝而雨天下施德博大故視三公也四瀆者何謂也江河淮濟也四瀆何以視諸侯能蕩滌垢濁

焉能通百川於海焉能出雲雨千里焉為施甚大故視諸侯也山川何以視子男也能出物焉能潤澤物焉能生雲雨為恩多然品類以百數故視子男也書

曰禋于六宗望秩于山川徧于羣神矣

說苑

三王之

祭川也皆先河而後海

疏曰言三王祭百川之時皆先祭河而後祭海也

學記

晉人將有事於河必先有事於惡池

惡依註音呼池大河反

惡

當為呼聲之誤也呼池嘔夷并州川

嘔為侯反

疏曰有事於河謂祭河也必先告惡池小川從小

而祭也先告從祀者然後祭河也

齊人將有事於泰

呼池嘔夷并州川夏官職方文

山必先有事於配林

配林林名疏曰謂祭泰山也先告配林是泰山之從祀者也

故先告從祀然後祭泰山此皆積漸從小至大之義也

禮器 季氏旅於泰山子

謂冉有曰女弗能救與對曰不能子曰嗚呼曾謂泰

山不如林放乎

女音汝朱子曰旅祭名泰山山名在魯地禮諸侯祭封內山川季氏祭

之僭也冉有孔子弟子名求時為季氏宰救謂救其陷於僭竊之罪嗚呼嘆辭言神不享非禮欲季氏知

其無益而自止又進林放以厲冉有也 問季氏旅

於泰山一段朱子曰天子祭天地諸侯祭其國之山

川只緣是他屬我故我祭得他他若不屬我則氣便

不與之相感如何祭得他因舉太子申生秦將祀子

秦始皇即帝位三年東游海上行禮祠名山川及八神

求仙人羨門之屬

應劭曰羨門名子高古仙人也

八神將自古而有之

或曰太公以來作之齊所以為齊以天齊也

蘇林曰當天中央齊

也師古曰謂其衆神異如天之腹齊也

其祀絕莫知起時八神一曰天主

祠天齊天齊淵水居臨菑南郊山下者

師古曰下下謂最下也臨

菑城南有天齊水五泉並出蓋謂此也

二曰地主祠泰山梁父蓋天好陰

祠之必於高山之下時命曰時

師古曰名其祭處曰時也

地貴陽祭

之必於澤中圜邱云三曰兵主祠蚩尤蚩尤在東平陸

監鄉齊之西境也

師古曰東平陸縣名也監其縣之鄉名也

四曰陰主祠三

山

師古曰三山即下所謂三神山

五曰陽主祠之朶山

韋昭曰之朶山在東萊縣師古

曰朶音浮腫音直瑞反

六曰月主祠之萊山

韋昭曰在東萊長廣也

皆在齊

北並渤海

師古曰並音步浪反

七曰日主祠盛山盛山斗入海

韋昭

曰盛山在東萊不夜縣斗入海也師古曰斗絕也盛音成

最居齊東北陽以迎日出

云八曰四時主祠琅邪在齊東北蓋歲之所始

師古曰山海經

云琅邪臺在渤海間謂臨海有山形如臺也

皆各用牢具祠而巫祝所損益

圭幣雜異焉

師古曰言八神牲牢皆同而圭幣各異也

昔三代之居皆河洛之間

師古曰謂夏都安邑殷都朝歌周都洛陽

故嵩

高為中嶽而四嶽各如其方四瀆咸在山東至秦稱

帝都咸陽則五嶽四瀆皆并在東方自五帝以至秦

迭興迭衰名山大川或在諸侯或在天子其禮損益

世殊不可勝記

師古曰代代殊異故不可盡記

及秦并天下令祠官

所常奉天地名山大川鬼神可得而序也於是自崤

以東名山五大川祠二

師古曰崤即今之陝州二崤也

曰太室太室

嵩高也恒山泰山會稽湘山水曰涕曰淮

師古曰涕音子禮反

此本濟水之字

春以脯酒為歲禱因泮凍

服虔曰解凍也師古曰泮音普半反

秋涸凍

師古曰涸讀與沍同沍凝也音十故反春則解之秋則凝之春秋左氏傳曰固陰沍寒禮

記月令曰孟冬行春令則凍閉不密

冬塞禱祠

師古曰塞謂報其所祈也音先代反

用牛犢各一牢具圭幣各異自華以西名山七名川

四曰華山薄山薄山者襄山也

師古曰說者云薄山在河東一曰在潼關

北十餘里而此志云自華以西者則今閼鄉之南山連延西山並得華山之名

嶽山岐山吳

山鴻冢瀆山瀆山蜀之岷山也

師古曰周禮職方氏雍州其山曰嶽爾雅

亦云河西曰嶽說者咸云嶽即吳嶽也今志有嶽山又有吳山則吳嶽非一山之名但未詳嶽之所在耳

徐廣云嶽山在武功據地理志武功但有垂山無嶽山也岐山即在今之岐山縣其山兩岐俗呼為箭枯

嶺吳山在今隴州吳山縣鴻水曰河祠臨晉師古曰

冢釋在下岷山在蒲氏道即今之

同州朝邑縣界汧祠漢中師古曰汧漢水之上名也漢

祠朝那蘇林曰湫淵在安定朝那縣方四十里停水

涿郡道縣師古曰此水今在涇州界清澈可愛不容穢濁或有諠汙輒興雲雨土俗亢旱每於此求之相

傳云龍之所居也天下山川隈江水祠蜀亦春秋泮

曲亦往往有之湫音子由反

涸禱塞如東方山川而牲亦牛犢牢具圭幣各異而

四大鴻冢岐吳嶽皆有嘗禾孟康曰以新穀祭之陳寶節來祠

服虔曰陳寶神應節來也

其河加有嘗醪此皆雍州之域近天子

都故加車一乘駢駒四灞澹澧澇涇渭長水皆不在

大山川數

師古曰灞澹出藍田澧澇出鄠長水者言其源流長也

以近咸

陽盡得比山川祠而無諸加

師古曰加謂車及駢駒之屬

汧洛二

淵鳴澤蒲山嶽壻山之屬為小山川亦皆禱塞泮涸

祠禮不必同諸此祠皆太祝常主以歲時奉祠之至

如他名山川諸神及八神之屬上過則祠去則已

漢高祖初悉召故秦祀官復置太祝太宰如其故儀又

令河巫祠河於臨晉

文帝時始名山大川在諸侯諸侯祝各自奉祠天子官不領及齊淮南國廢令太祝盡以歲時致禮如故明年廣增諸祀壇塲珪幣河湫漢水玉加各二

武帝元狩元年濟北王以為天子且封禪上書獻泰山

及其旁邑天子以他縣償之常山王有罪舉

師古曰舉與遷同

天子封其弟真定以續先王祀而以常山為郡然後五嶽皆在天子之邦

歐陽氏集古錄漢西嶽華山廟碑文字尚完可讀
其述自漢以來云高祖初興改秦淫祠太宗承循
各詔有司其山川在諸侯者以時祠之孝武皇帝
修封禪之禮巡省五嶽立宮其下宮曰集靈宮殿
曰存僊殿門曰望僊門中宗之世使者持節歲一
禱而三祠後不承前至於亡新寔用邱墟建武之
元事居其中禮從其省但使二千石歲時往祠自
是以來百有餘年所立碑石文字磨滅延熹元年

弘農太守袁逢修廢起頓易碑飾闕會遷京兆尹
孫府君到欽若嘉業遵而成之孫府君諱瑒其大
畧如此所謂集僊宮者他書皆不見惟見此碑則
余之集錄不為無益矣

按古者天子祭四望五嶽四瀆其大者也然王畿
不過千里千里之外則皆諸侯之國所謂嶽者豈
必在畿內而後祭之如舜都蒲坂而一歲巡五嶽
俱有望秩之禮是也始皇雖併六國而禮典廢墜

所祠祭山川皆因其游觀所至處與封禪求仙則
及之而其領之祠官以歲時致祭且雜以淫祠者
大率多秦中山川也至漢則名山大川之在諸侯
國者不領於天子之祠官必俟齊淮南常山之國
廢及濟北王獻地而後舉五嶽之祭俱非古義也
元封元年三月上幸緱氏禮登中嶽太室從官在山上
聞若有言萬歲云問上上不言問下下不言廼令祠官
加增太室祠禁毋伐其山木以山下戶凡三百封室高

為之奉邑獨給祠復無有所與

詳見封
禪門

五年上巡南郡至江陵而東登禮灋之天柱山

灋音潛
廬江縣

也天柱山在馬武帝
以天柱山為南嶽

號曰南嶽浮江自潯陽出樅陽過

彭蠡禮其名山大川北至琅邪並海上四月至奉高修
封焉

宣帝神爵元年制詔太常夫江海百川之大者也今闕

焉無祠其令祠官以禮為歲事

言每歲
常祠之

以四時祠江海

雒水為天下祈豐年焉自是五嶽四瀆皆有常禮東嶽

泰山於博中嶽泰室於嵩高南嶽瀋山於瀋西嶽華山

於華陰北嶽常山於上曲陽

上曲陽常山郡之縣也

河於臨晉

馮翊

之縣也

江於江都淮於平氏

南陽之縣

濟於臨邑界中

東郡之縣

皆

使者持節侍祠惟泰山與河歲五祠江水四餘皆一禱而三祠云

光武中元元年定北郊祀地祇地理羣神從食如元始故事在壇下中嶽在未四嶽各在其方孟辰之地中營內海在東四瀆河西濟北淮東江南他山川各如其方

皆在外營內五嶽共牛一頭海四瀆共牛一頭

章帝元和二年詔曰山川百神應祀者未盡其議增修羣祀宜享祀者

魏文帝黃初三年禮五嶽四瀆咸秩羣祀沈瘞珪璋

晉成帝咸和八年立北郊於覆舟山祀地祇地郊從祀則五嶽四望四海四瀆五湖五帝之佐沂山嶽山白山霍山醫無閭山蔣山松江會稽山錢塘江先農凡四十神江南諸小山蓋江左所立如漢西京關中小水皆

有祭秩也

穆帝升平中何琦備論五嶽祠曰唐虞之制天子一
載一巡狩順時之方柴燎五嶽望於山川徧於羣神
故曰因名山升中於天所以昭告神祇饗報功德是
以災厲不作而風雨寒暑以時降及三代年數雖殊
而其禮不易五嶽視三公四瀆視諸侯著在經記所
謂有其舉之莫敢廢也及秦漢都西京涇渭長水雖
不在祀典以近咸陽故盡得比大川之祠則正立之

祀可以闕哉自永嘉之亂神州傾覆茲事替矣惟瀦

音潛之天柱在王畧之內也舊臺選百戶吏卒以奉其

職中興之際未有官守廬江郡常遣太史兼假四時

禱賽春釋寒而冬請冰咸和迄今又復隳替計今非

典之祠可謂非一考其正名則淫昏之鬼推其糜費

則百姓之蠹而山川大神更為簡闕良由頃國家多

難日不暇給草建廢滯事有未遑今元愍徒對反已殲

宜修舊典嶽瀆之域風教所被而神明裡祀未之或

甄崇明前典將候皇輿北旋可令禮官作式歸諸誠簡以達明德馨香如斯而已其諸妖孽可粗依法令先去其甚俾邪正不黷時不見省

宋孝武帝大明七年有司奏奠祭霍山殿中郎邱景先議宜使太常持節牲以太牢之具饗用酒脯時穀禮用赤璋纁幣器用陶匏藉用茅席為壇兆時不用蜃同郊祀以爵獻凡肴饌種數依社祭

梁令郡國有五嶽者置宰祀三人及有四瀆若海應祀

者皆以孟春仲冬祠之

後魏景穆帝立五嶽四瀆廟於桑乾水之陰春秋遣有司祭其餘山川百神三百二十四所每歲十月遣祠官詣州鎮徧禱有水旱災厲則牧守各隨其界內而祈謁王畿內諸山川有水旱則禱之

太武帝南征造恒山祀以太牢浮河濟祀以少牢過岱宗祀以太牢遂臨江登瓜步而還

後周大將出征遣太祝以羊一祭所過名山大川

隋制祀四鎮東鎮沂山西鎮吳山南鎮會稽山北鎮醫

無閭山

在東夷中遙祀

冀州鎮霍山並就山立祠祀四海東海

於會稽縣界南海於南海鎮南並近海立祠及四瀆並

取側近巫一人主知灑掃並令多植松栢

唐武德貞觀之制五嶽四鎮四海四瀆年別一祭各以

五郊迎氣日祭之東嶽岱山祭於兗州東鎮沂山祭於

沂州東海於萊州東瀆大淮於唐州南嶽衡山於衡州

南鎮會稽山於越州南海於廣州南瀆大江於益州中

嶽嵩山於洛州西嶽華山於華州西鎮吳山於隴州西
海及西瀆大河於同州北嶽恒山於定州北鎮醫無閭
山於營州北海及北瀆大濟於洺州其牲皆用大牢祀
官以當界都督刺史充

武后垂拱四年封洛水神為顯聖侯享齊於四瀆封嵩
山為神嶽天中王至萬歲通天元年尊神嶽天中王為
神嶽天中皇帝神龍元年復為天中王先天二年封華
嶽為金天王

元宗開元十一年勅霍山宜崇飾祠廟秩視諸侯蠲山下十戶以為灑掃晉州刺史春秋致祭

十三年封泰山神為天齊王禮秩加三公一等

二十五年勅三時不害百穀用成遂使京坻遍於天下和平之氣既無遠而不通禋祀之典亦有祈而必報宜令中書令李林甫等分祭郊廟社稷尚書左丞相裴輝卿等分祭五嶽四瀆

開元時天台道士司馬承禎言今五嶽神祠是山林

之神也非正真之神也五嶽皆有洞府有上清真人
降任其職山川風雨陰陽氣序是所理焉冠冕服章
佐從神仙皆有名數請別立齋祠之所上竒其說因
勅五嶽各置真君祠一所

天寶元年以西成頗熟令光祿卿嗣鄭王希言等分祭
五嶽其四瀆名山委所由長官擇日致祭

七載八載十載皆以歲豐遣官分祭嶽瀆

五載詔封中嶽為中天王南嶽為司天王北嶽為安天

王

六載詔封河瀆為靈源公濟瀆為清源公江瀆為廣源公淮瀆為長源公令所司擇日差使告祭

七載封昭應山為元德公

八載封太白山為神應公其九州鎮山除入諸嶽外並宜封公

十載封東海為廣德王南海為廣利王西海為廣潤王北海為廣澤王封沂山為安東公會稽山為永興公嶽

山為成德公霍山為應聖公醫無閭山為廣寧公

肅宗至德二載勅吳山宜改為吳嶽祠享官屬並準五嶽故事

上元二年改封華山為太山華陰縣為太陰縣

德宗貞元二年詔太常卿裴郁等十人各就方鎮祭嶽瀆等舊禮皆因郊祀望而祭之天寶中始有遣使祈福之祠非禮之正也

太常卿董晉奏五嶽四瀆伏準開元禮每年各以五

郊迎氣日祭之其祝版並合御署自上元元年中祠
小祠一切權停自後因循不請御署其祝版欲至饗
祭日所司準程先進取御署附驛發遣勅旨宜依仍
委所司每至時先奏附中使送往

文宗開成二年四月十一日敕如聞京師舊說以為終
南山興雲即必有雨若晴霽雖密雲他至竟不沾濡况
茲山北面闕庭日當顧矚修其望祀寵數宜及今聞都
無祠宇炭谷湫却在命祀終南山未備禮秩湫為山屬

捨大從細深所謂關於興雲致雨之祀也宜令中書門下且差官設奠宣告致禮便令擇立廟處所回日以聞然命有司即時建立其年九月勅終南山宜封為廣惠公準四鎮例以本府都督刺史充獻官每年一祭以季夏土王日祭之

僖宗乾寧五年勅封少華山為佑順侯

昭宗天佑二年勅封洞庭湖君為利涉侯青草湖君為安流侯

唐開元禮

祭五嶽四鎮四海四瀆儀

諸嶽鎮海瀆每年一祭各以五郊迎氣日祭之

四祭每座邊豆

各十簋簋各二俎二設祭州界已具歷代祀山川篇

前祭五日諸祭官各散齋三

日致齋二日如別儀前一日嶽令瀆令清掃內外又為

瘞埽於壇土地方深取足容物

海瀆則埽內為壇高丈四尺皆為陛

贊禮

者設初獻位於壇東南亞獻終獻於初獻南少退俱西
向北上設掌事者位於終獻東南重行西面以北為上

設贊唱者位於終獻西南西向北上設獻官等望瘞位
於瘞坎之東北向西

祭海瀆無望瘞位

設祭官以下門外位於

南門之外道東重行西向以北為上祭器之數罇六簋

十豆十簋二簋二俎三嶽瀆令帥其屬詣壇東陞升設

罇於壇上東南隅北向西上

罇皆加勺罍有坫以置爵

設玉篚於罇

坫之所設洗於南陞東南北向壘水在洗東篚在洗西

南肆

篚實以巾爵

執罇壘洗篚者各位於罇壘篚之後祭日

未明烹牲於厨

其牲各隨方色齋郎以豆先取血毛置於饌所

夙興掌饌者實

祭器

牲體牛羊豕皆載右胖前脚三節節一段去下節載上肱脰二節皆載之後脚三節節一段

又取正脊脰脊橫脊短脅正脅代脅各二骨以並餘皆不設簋實稷黍簋實稻粱籩十實石鹽乾魚棗栗榛菱芡鹿脯白餅黑餅豆十實韭菹醢醢菁菹鹿醢芹菹兔醢笋菹魚醢菜菹豚胎若土無者各以其類充之

祭官各服其服

三品毳冕四品繡冕五品元冕六品以下爵弁若有二品以下各依令

獄

令瀆令帥其屬入詣壇東陞升設獄神瀆神座於壇上

近北面南向席以莞又實罇壘及玉

凡罇一實醴齊一實盎齊一實清酒

其元酒各實於上罇祭神之玉兩珪有邸

祝版置於坵獄令瀆令又以幣置

於篚齋郎以豆血皆設於饌所

其幣長丈八尺各隨方色贊唱者先

入就位祝與執罇壘籩者入當壇南重行北面以西為上立定贊唱者曰再拜祝以下俱再拜執罇者升自東陞立於罇所執壘籩者各就位祝詣壇東陞升行掃除於上降行掃除於下訖

瀆則掃除
壇外訖

各就位質明贊禮者

引祭官以下俱就門外位立定一刻頃贊唱者曰再拜在位者皆再拜贊禮者進初獻之左白有司謹具請行事退復位贊唱者曰再拜在位者皆再拜祝跪取玉幣於篚興立於罇所

凡取物者皆跪俛伏而取以興奠物奠訖俛伏而後興

掌饌者

帥齋郎奉饌陳於東門之外贊禮者引初獻詣壇升自南陛進神座前北向立祝以玉幣東向進初獻受玉幣祝還罇所贊禮者引初獻進北向跪奠於神座興少退北向再拜贊禮者引初獻降還本位掌饌者引饌入升自南陛祝迎引於壇上設於神座前掌饌帥齋郎降自東陛復位祝還罇所贊禮者引初獻詣罍洗盥手洗爵升自南陛詣酒罇所執罇者舉罇初獻酌醴齊贊禮者引初獻進詣神座前北向跪奠爵興少退北向立祝持

版進於神座之右東面跪讀文曰維某年歲次月朔日

子嗣天子某謹遣某官某敢昭告於東嶽岱宗維神資

養萬品作鎮一方式因春始

南嶽云夏始中嶽云季夏西嶽云秋始北嶽云冬始

謹以玉幣犧齊粢盛庶品朝薦於東嶽岱宗尚享東

瀆大淮云惟神源流深泌潛潤溥洽阜成百穀疏滌三

川青春伊始用遵典秩南瀆大江云惟神總合大川

朝宗巨海功昭潤化德表靈長敬用夏首修其常典

西瀆大河云惟神上通雲漢光啟圖書分導九枝旁潤

千里素秋戒序用率典常 北瀆大濟云惟神泉源清
潔浸彼遐遠播通四氣作紀一方元冬肇節聿修典制
訖興初獻再拜祝進奠版於神座還罇所祝以爵酌清
酒進初獻之右西向立初獻再拜受爵跪祭酒啐酒奠
爵祝帥齋郎以俎進減神座前胙肉前脚第二節共置
一俎上以授初獻初獻受以授齋郎初獻跪取爵遂飲
卒爵祝進受爵復於坫初獻興再拜贊禮者引初獻降
復位於初獻飲福酒贊禮者引亞獻詣罍洗盥手洗爵

升自東陞詣罇所執罇者舉帛亞獻酌盞齊贊禮者引亞獻詣神座前北面跪奠爵興少退北向再拜祝以爵酌清酒進於亞獻之右西向立亞獻再拜受爵跪祭酒遂飲卒爵祝受虛爵復於坵亞獻興再拜贊者引亞獻降復位初亞獻將畢贊禮者引終獻盥洗升獻飲福如亞獻之儀訖贊禮者引終獻降復位祝進神座前徹豆還罇所贊唱者曰再拜非飲福受胙者皆再拜贊禮者進初獻之左白請就望瘞位西向立於獻官將拜獻令

進神座跪取幣齋郎以俎載牲體黍稷飯詣瘞埴以饌

物置於埴

祭海瀆獻官拜訖瀆令及齋郎以幣血沈於瀆瀆令退就位

東西廂各二

人寘土半埴贊者進初獻之左白禮畢遂引初獻以下
出祝與執罇罍篚冪者俱復執事位立定贊唱者曰再
拜再拜訖遂出祝版燐於齋所

宋初緣舊制祭東嶽泰山於兗州西嶽華山於華州北
嶽恒山於定州中嶽嵩山於河南府

太祖皇帝建隆四年平湖南命給事中李昉祭南嶽

乾德六年有司言祠官所奉止四嶽今按祭典請祭南
嶽於衡州東鎮沂山於沂州南鎮會稽山於越州西鎮
吳山於隴州中鎮霍山於晉州東海於萊州南海於廣
州西海河瀆並於河中府北海濟瀆並於孟州淮瀆於
唐州其江瀆準顯德五年勅祭於揚州揚子江口今請
復祭於成都府北鎮醫無閭山在營州界未行祭享從
之

其後望祭北鎮
於定州北嶽祠

開寶三年廣南平遣司農少卿李繼芳祭南海劉鋹先

尊海神為昭明帝廟為聰正宮其服飾以龍鳳詔削其號及宮各易以一品之服

五年詔自今嶽瀆并東海南海廟各以本縣令兼廟令尉兼廟丞專掌祀事常加按視務於蠲潔仍籍其廟宇祭器之數受代日交以相付本州長吏每月一詣廟察舉縣近廟者遷治所就之

太宗太平興國八年河決滑州遣樞密直學士張齊賢詣河祭告用兩圭有邸沉之自是凡決溢脩塞皆致祭

真宗景德三年令澶州置河瀆廟上幸大名也禱之有
應及元年駐蹕澶淵戎騎在郊河流不冰故立祠春秋
致祭

大中祥符元年封禪禮畢詔加號泰山天齊王為仁聖
天齊王修飾廟宇山四面七里內各禁樵採又封泰山
通泉廟為靈泚侯亭亭廟為廣禪侯鄒縣嶧山廟為靈
巖侯十一月車駕過澶州幸河瀆廟酌奠進號河瀆
曰顯聖靈源公遣官往河東府澶州祭告

二年八月祕書丞董溫其上言漢以霍山為南嶽望令
壽州長吏春秋致祭詔禮官與崇文院檢討詳定上奏
曰按爾雅云江南衡山注云衡山南嶽又霍山為南嶽
注云即天柱山灊水所出此即非特霍山為南嶽舜五
月南巡周之王制皆以衡山為南嶽惟漢武帝以衡山
遼遠取讖緯之說而祭灊霍至隋復以衡山為嶽況奉
祠已久國家疆宇廣難於改制其霍山如有祈請及
特致祭即委州縣奉行從之

三年修鳳翔太白山泗州龜山廟

四年親祀汾陰后土還至河中親謁奠河濱廟親謁華陰西嶽廟羣臣陪位廟垣內外列黃麾仗遣官分奠廟內諸神

五年詔加上東嶽曰天齊仁聖帝南嶽曰司天昭聖帝西嶽曰金天順聖帝北嶽曰安天元聖帝中嶽曰天崇聖帝命翰林學士李宗諤等與禮官詳定儀注及冕服制度其玉冊如宗廟謚冊之制遣官詣五嶽充奉冊

使副有司設冊使一品鹵簿及援冊黃麾仗於乾元門外各依方所又設載冊輅及袞冕輿於朝元門外羣臣朝服序班仗衛如元會儀上服袞冕御朝元殿中書侍郎引五嶽玉冊尚衣奉御筆袞冕升殿上為之興奉冊使副班於香案前侍中宣制曰今加大五嶽帝號遣卿等持節奉冊展禮咸承制再拜奉冊使以次升自東階受冊於御座前降西階副使受袞冕輿於丹墀玉冊至朝元門外上復坐冊使奉冊升輅鼓吹振作而行冊至

廟內外列黃麾仗設登歌奉冊於輅袞冕於輿使副褰
褶騎從遣官三十員前導及門奉置幄次以州長吏以
下充祀官致祭畢奉玉冊袞冕置殿內十一月戊戌詔
加上東嶽淑明后南嶽景明后西嶽肅明后北嶽靖明
后中嶽正明后之號又詔華山及華州管內靈跡並禁
樵採

陳氏曰泰山曰天齊仁聖帝在唐為天齊王至本
朝以東方主生加仁聖二字封帝帝只一上帝而

已安有山而謂之帝今立廟儼然人形貌垂旒端冕衣裳而坐又立后殿於其後不知又是何山可以當其配而為夫婦邪據泰山魯封內惟魯公可以祭今隔一江一淮與南方地脉絕不相干涉而在在州縣皆立東嶽行祠亦失於講明之故

仁宗康定二年增封海瀆逐處遣官致祭東海為淵聖廣德王南海為洪聖廣利王西海為通聖廣潤王北海為冲聖廣澤王江瀆為廣源王河瀆為靈源王淮瀆為

長源王濟瀆為清源王

慶歷二年儂智高反圍廣州數有風雨遂遁乃詔益封南海神為洪聖廣利昭順王

神宗元豐三年集賢校理陳侗言按周禮小宗伯之職兆五帝於四郊四望四類亦如之鄭氏注四望謂五嶽四瀆也四類日月星辰也今四郊有五帝及日月星辰之壇而獨四望之壇不建或遇朝廷有祈焉則設位皇地祇壇下甚非古制請依周禮建四望壇於四郊以祭

五嶽四鎮四瀆庶合於經詔下詳定禮文所詳定所請以國朝祠令所載嶽鎮海瀆北四望於四郊岱山沂山東海大淮於東郊衡山會稽山南海大江嵩山霍山大海於南郊華山吳山西海大河於西郊常山醫無閭山北海大濟於北郊每方嶽鎮則共為一壇海瀆則共為一坎以五時迎氣日祭之皆用血祭瘞埋有事則請禱之又以四方山川各附於本方嶽鎮海瀆之下別為一壇一坎水旱則禱之其北郊從祀及諸州縣就祭如故

詔每方嶽鎮共為一壇望祭餘從之

徽宗政和三年議禮局上五禮新儀五方嶽鎮海瀆壇各高五尺周四十步四出陛兩壇每壇二十五步壇飾依方色祭嶽鎮海瀆設位南向以西為上山川從祀西向以北為上諸嶽鎮海瀆年別一祭以祭五帝日祭之東嶽泰山於兗州界東鎮沂山於青州界東海於萊州界東瀆大淮於唐州界南嶽衡山於潭州界南鎮會稽山於越州界南海於廣州界南瀆大江於益州界中嶽

嵩山於河南府界中鎮霍山於晉州界西嶽華山於華州界西鎮吳山於隴州界西海西瀆大河於河中府界北嶽常山及遙祀北鎮醫巫閭山於定州界北海北瀆大濟於孟州界太常言大中祥符中封五嶽為帝四海為王獨五鎮封爵尚仍唐舊元豐八年始封西鎮吳山為成德王而未及四鎮詔並封王

高宗建炎元年權太常少卿滕康言車駕巡幸所過名山大川望差官致祭從之

紹興七年太常博士黃積厚言百神之祀曠歲弗修如
中祀未舉者嶽瀆海鎮中嶽中鎮是也望舉而行之從
之

每歲以四立日季夏土王日設祭其禮料初依奏告

例後比擬舊制用羊豕各一口籩十

菱芡栗鹿脯榛
實乾桃乾榛乾

棗形鹽
魚鱗

簋二

稻

簋二

黍稷

鉶鼎三

鉶

登二

羹

脂盤一

血毛

豆十

芹筍葵菁韭魚醢
醢豚胎鹿鷄醢醢

俎八

羊脰七體羊熟十羊
脰腸胃羊熟腸胃肺

豕脰七體豕熟十
一豕脰膚豕熟膚

尊壘二十四

實酒並同
皇地祇

三十一年知樞密院事督視軍馬葉義問言比北騎進
逼江上與鎮江建康太平諸郡纔隔一水先報金人謀
開第二港河欲徑衝丹徒施工累日一夕大風沙漲截
斷不得渡以為水府陰祐仰惟陛下神聖威武將士用
命控弦之衆未遽衝突然滔滔大江橫截其前彼軍為
之逡巡退却雖有舟楫不得施者實神助有道陰相於
冥冥之中所以致然乞詔禮官考其制乞依五嶽例峻
加帝號令建康守臣擇地建廟其金山采石二水府乞

增封遣官精潔祭告詔令禮部太常寺討論已而太常寺言江瀆已封廣源王止係二字欲特增加六字作八字王擬昭靈孚應威烈廣源王令建康守臣擇爽塏之地建廟賜額曰佑德其乞峻加帝號一節恢復中原日別議封冊兼契勘廣源王本廟係在成都府今來所封廟額并增八字王令本廟一體稱呼從之

孝宗乾道五年太常少卿林栗言國家駐蹕東南東海南海實在封域之內檢照國朝祀儀立春祭東海於萊

州立夏祭南海於廣州其西北海遠在夷貊獨即方州
行二時望祭之禮自渡江以後惟南海廣利王廟歲時
降御書祝文令廣州行禮并紹興七年加封至八字王
爵如東海之祠但以萊州隔絕不曾令沿海官司致其
時祭殊不知通泰明越溫台泉福皆東海分界也紹興
辛巳金人南下李寶等舟師大捷於膠西是時神靈助
順則東海之神於國為有功矣謹按東海祠隋祭於會
稽縣界唐祭於萊州界本朝沿唐制萊州立祠元豐元

年建廟於明州定海縣既成命知制誥鄧潤甫撰記二
年加封淵聖之號崇寧二年本廟歲度道士一員大觀
四年又加助順二字則東海之祠本朝累加崇奉皆在
明州不必泥於萊州矣欲乞行下禮部參照南海已封
禮例將李寶等昨來立功事跡顯著特封東海之神八
字王爵自今後立春及大禮告謝乞依見令廣州祭南
海禮例關報所屬請降香祝下明州排辦差官行禮詔
從之

文獻通考卷八十三